

ԻՍՐԱՅԷԼԵԱՆ ՅԱՐԶԱԿՈՒՄԻՆ ՇԵՏԻԱՆԵՐՈՎ ԴԱՄԱՍԿՈՍԻ ՄԻԶԱՉԳԱՅԻՆ ՕՂԱԿԱՅԱՆԸ ԱՇԽԱՏԱՆՔԷ ԴԱԴՐԵՅԱԼ

Շաբաթ, 11 Յունիս 2022-ին, ՍԱՆԱ հաղորդեց, որ Դամասկոսի վրայ իսրայելեան յարձակումին հետեւանքով, Դամասկոսի Միջազգային Օղակայանին ենթակառուցող վնասուեցաւ, որուն հետեւանքով ալ օդակայանը աշխատանքէ դադրեցաւ:



Այս առիթով, Սուրիոյ Փոխադրութեան Նախարարութիւնը հաղորդագրութեամբ մը յայտարարեց, որ յարձակումին եւ օդակայանին աշխատանքէ դադրելուն բերումով՝ Դամասկոսի Միջազգային Օդակայանի թռիչքները կասեցուեցան ցնոր տնօրինում:

Միւս կողմէ, սուրիական «Շամ Ռիկկա» օդանաւային ընկերութիւնը յայտարարեց, որ Դամասկոսի Միջազգային Օդակայանէն իր թռիչքները ժամանակաւորապէս ընթացք կ'առնեն Զալէպի Միջազգային Օդակայանէն, ճամբորդներուն Դամասկոսէն Զալէպ ժամանման ապահովումով:

ՆՈՐԱ ԱՐԻՍԵԱՆ. «ԻՆՏԻ ՀԱՄԱՐ ՄԵԾ ԴԱՏԻ Է ՍՈՒՐԻՈՅ ԱՐԱԲԱԿԱՆ ՀԱՆՐԱՊԵՏՈՒԹԻՒՆԸ ՆԵՐԿԱՅԱՅՆԵԼ ՀԱՅԱՍՏԱՆԻ ՀԱՆՐԱՊԵՏՈՒԹԵԱՆ ՄՕՏ»

Երեքշաբթի, 14 Յունիս 2022-ին, Զայաստանի Զանրապետութեան մօտ Սուրիոյ Արաբական Զանրապետութեան Նորանշանակ արտակարգ եւ լիազօր դեսպան Նորա Արիսեան ԶԶ Նախագահ Վահագն Խաչատուրեանին իր հաւատարմագրերը յանձնած է:



«Ինձի համար մեծ պատիւ է Սուրիոյ Արաբական Զանրապետութիւնը ներկայացնել Զայաստանի Զանրապետութեան մօտ: Առաւելագոյն ջանք կը ներդնեմ երկկողմ յարաբերութիւններու զարգացման համար՝ ի շահ երկու բարեկամ երկիրներու եւ ժողովուրդներու», ըսած է Նորանշանակ դեսպանը:

Նախագահ Վահագն Խաչատուրեան շնորհաւորած է Նորա Արիսեանը պաշտօնի ստանձնման առիթով եւ յայտնած, որ հայ-սուրիական յարաբերութիւնները պատմական բարեկամական հիմքերու վրայ ձեւաւորուած են:

«Վստահ եմ, որ ձեր դիւանագիտական փորձն ու գիտելիքները իրենց նպաստը կը բերեն հայ-սուրիական յարաբերութիւններու զարգացման», ըսած է Նախագահ Խաչատուրեան:

ՌՈՒՍԻԱ ԿԸ ԴԱՏԱՊԱՐՏԷ ՍՈՒՐԻԱԿԱՆ ՀՈՂԵՐՈՒՆ ՎՐԱՅ ԻՍՐԱՅԷԼԵԱՆ ՅԱՐԶԱԿՈՒՄՆԵՐԸ

Կիրակի, 12 Յունիս 2022-ին, ՍԱՆԱ հաղորդեց, որ Ռուսիա խստիւ կը դատապարտէ սուրիական հողերուն վրայ 10 Յունիսին տեղի ունեցած իսրայելեան յարձակումը: Ռուսիոյ Արտաքին գործոց Նախարարութեան բանբեր Մարիա Զախարովա Նախարարութեան կայքին մէջ հրապարակած հաղորդագրութեամբ յայտնեց, որ Ռուսիա խստիւ կը դատապարտէ սուրիական հողերուն վրայ իսրայելեան իրարայաջորդ յարձակումները եւ Իսրայելի կողմէ կ'ուղղէ Սուրիոյ դէմ իր թշնամական ընթացքը դադրեցնելու:



Զախարովա Իսրայելեան յարձակումները ընդվզեցուցիչ համարեց, շեշտելով, որ անոնց պատճառով միջազգային օդուղին վտանգի կ'ենթարկուի:

ՍԵՄ-Ի ԵՐԻՏՐԱՍԱՐԴՆԵՐՈՒ ՀԱՆԴԻՊՈՒՄԸ ՀՅՂ ԲԻՒՐՈՅԻ ԱՆԴԱՄ ԿԻՐՕ ՄԱՆՈՅԵԱՆԻ ՇԵՏ



Անցեալ շաբաթավերջին, Սուրիոյ Երիտասարդական Միութեան անդամները հանդիպում ունեցան ԶՅԴ բիւրոյի անդամ Կիրօ Մանոյեանի հետ: Մանոյեան գեկոյց տուաւ Զայաստանի ներկայ իրավիճակին եւ «դիմադրութիւն» շարժումի իրադարձութիւններուն մասին, ապա պատասխանեց ՍԵՄ-ականներու հարցումներուն:

ԻՐԱՆ ԽՍՏԻ ԿԸ ԴԱՏԱՊԱՐՏԷ ՍՈՒՐԻԱԿԱՆ ՀՈՂԵՐՈՒՆ ՎՐԱՅ ԻՍՐԱՅԷԼԵԱՆ ՅԱՐԶԱԿՈՒՄԸ

Կիրակի, 12 Յունիս 2022-ին, Սուրիոյ Տեղեկատուութեան Նախարարութեան պաշտօնական կայքը հաղորդեց, որ Սուրիոյ արտաքին գործոց Նախարար դոկտ. Ֆայսալ ալ-Մըքտատի հետ հեռաձայնային կապ հաստատեց Իրանի արտաքին գործոց Նախարար Զուսէյն Էմիր Ապտուլլահեանը:



Ապտուլլահեան յայտնեց, որ Իրան խըստիւ կը դատապարտէ սուրիական հողերուն վրայ իսրայելեան յարձակումը, շեշտելով, որ իր երկիրը պիտի շարունակէ զօրակիզ կանգնիլ Սուրիոյ:

Իր կարգին Նախարար Մըքտատ բարձր գնահատեց Իրանի կեցուածքը Սուրիոյ հանդէպ, շեշտելով, որ Սուրիա իսրայելեան յարձակումներուն պիտի դիմադրէ եւ պիտի շարունակէ ահաբեկութեան դէմ դնել՝ մինչեւ Սուրիոյ ամբողջական ազատագրումը:

ՎԱՐԶԱՊԵՏ ԱՐՆՈՒՄ Կ'ԱՅՅԵԼԷ ԴԱՄԱՍԿՈՍԻ ՄԻԶԱՉԳԱՅԻՆ ՕՂԱԿԱՅԱՆԻ ՎՆԱՍՈՒՄԸ ԲԱԺԻՆՆԵՐԸ

Կիրակի, 12 Յունիս 2022-ին, ՍԱՆԱ հաղորդեց, որ Սուրիոյ վարչապետ Զուսէյն Արնուս Սուրիոյ փոխադրութեան Նախարար Չուհէյր Խուզէմի ընկերակցութեամբ այցելեց Դամասկոսի Միջազգային Օդակայան եւ շրջագայեցաւ իսրայելեան յարձակումին հետեւանքով անոր վնասուած բաժիններուն մէջ:

Յիշենք, որ Վարչապետը աշխատանքային խմբակ մը ղրկեց օդակայան, որպէսզի ամենամօտ ժամանակամիջոցին վնասուած բաժինները նորոգուին եւ օդակայանը բանիլ սկսի:

ԼԻԲԱՆԱՆ ԿԸ ԴԱՏԱՊԱՐՏԷ ՍՈՒՐԻԱԿԱՆ ՀՈՂԵՐՈՒՆ ՎՐԱՅ ԻՍՐԱՅԷԼԵԱՆ ՅԱՐԶԱԿՈՒՄԸ

Կիրակի, 12 Յունիս 2022-ին, Սուրիոյ Տեղեկատուութեան Նախարարութեան պաշտօնական կայքը հաղորդեց, որ Լիբանանի Արտաքին գործոց Նախարարութիւնը հանդէս եկաւ հաղորդագրութեամբ, որուն մէջ խստիւ դատապարտեց Դամասկոսի վրայ իսրայելեան յարձակումը, զայն համարելով ահաբեկական գործողութիւն:



Նախարարութիւնը ակեցուց, որ Լիբանան իր զօրակցութիւնը կը յայտնէ Սուրիոյ իսրայելեան յարձակումներուն դէմ դնելու իր ջանքերուն մէջ:

Խմբագրական

ՍՈՒՐԻՈՅ ԴԵՍ ԳՈՐԾՈՂՈՒԹԻՒՆՆԵՐՈՒ ԹՈՒՐԷ-ԻՍՐԱՅԷԼԵԱՆ ՀԱՄԱԴՐՈՒՄԻ ՆՇՈՅԼՆԵՐ

Դամասկոսի Միջազգային քաղաքացիական օդակայանի հրթիռակոծումը, անոր աշխատանքը դուրս բերումը, քաղաքական ինչ պատրուակով ալ ըլլայ ան, միջազգային օրէնքի խախտում կը համարուի, որովհետեւ Դամասկոսի օդակայանը միջազգային օդուղիներու հետ կապուած է ու չօգտագործուի միայն Սուրիոյ կամ նոյնիսկ տարածաշրջանի երկիրներու հետ թռիչքներու կազմակերպման համար:

Դամասկոսի օդակայանը միջազգային ու քաղաքացիական, ոչ-զինուորական օդակայան է, հետեւաբար անոր վնաս հասցնողը սպառնացած կ'ըլլայ միջազգային օդուղիներու բանեցման ընդհանուր ապահովութեան:

Իսրայէլ Դամասկոսի միջազգային օդակայանը կը հրթիռակոծէ ճնշում բանեցնելու Սուրիոյ պետութեան վրայ ու քաղաքական գիշումներու մղելու Սուրիան: Մօտաւորապէս նոյն ժամանակահատուածին մէջ Թուրքիա կը սպառնայ Սուրիոյ հիւսիսային շրջանին մէջ զինուորական գործողութիւններ սկսիլ, իր սահմաններուն անվտանգութեան պատրուակով, սակայն, իրականութեան մէջ Սուրիոյ ինքնիշխանութեան սպառնալու եւ սուրիական տարածքներ իր վերահսկողութեան տակ պահելու յստակ ծրագիրով:

Ուքրանիոյ պատերազմին հետեւանքով Ռուսիոյ պատերազմական գործողութիւններով բեռնաւորուած ըլլալը կը մղէ Թուրքիան եւ Իսրայէլը քաղաքական ու զինուորական իրենց ծրագիրները համադրելու երեւելի քողի մը տակ՝ իւրաքանչիւրը իր միջոցները օգտագործելով, իր նպատակները հետապնդելով, սակայն երկուքը, միասին, Սուրիոյ տագնապի լուծումն ու երկրի վերականգնումը այլազան միջոցներով խափանելու եւ այդ լուծման ընթացքին իրենց լծակները ի գործ դրուած տեսնելու մարտավարութեամբ:

Սուրիան, բնականաբար, պիտի ջանայ ամէն ճիգ ի գործ դնել վերականգնելու Դամասկոսի օդակայանը, որովհետեւ արտաքին աշխարհին հետ երկրին կապը ապահովող գլխաւոր միջոցն է ան: Թէեւ Հալէպի օդակայանը մասամբ կրնայ փոխարինել Դամասկոսի օդակայանը, սակայն նոյն տարածքն ու կարելիութիւնները չունի ան:

Միւս կողմէ, երկրի հիւսիսային շրջանին մէջ թրջական թափանցումները կանխելու համար Սուրիա կը յայտարարէ, որ սուրիական բանակը պիտի պաշտպանէ երկրի տարածքը օտար բոլոր ներխուժումներէն:

Այս բոլոր մարտահրաւերներուն դէմ դնել կը փորձէ Սուրիոյ պետութիւնը գործակցելով իր դաշնակիցներուն հետ ու ի հարկին զինուորական գործողութիւններու դիմելով:

ՄԵԼ կողմէ Ասթանայի մէջ Սուրիոյ տագնապի քաղաքական լուծման բանակցութիւնները կը շարունակուին, միւս կողմէ կը նախատեսուի զինուորական գործողութիւններու աճ արաբական ազգային դիմադրութիւն, Իրան առանցքին ու Թուրքիա-Իսրայէլ-Արեւմուտք առանցքին միջեւ: Ռուսիա կողմերու այս լարուածութեան մէջ, պատերազմով տարուած ըլլալով մէկտեղ, իր կարելին կը փորձէ ընել բացառելու լարուածութիւնը դիւանագիտական բազմակողմանի աշխատանքներով:

Ուժերու այս բախումին մէջ յստակօրէն կ'ուրուագծուի թուրք-իսրայէլեան մարտավարութեան համադրումը ոչ միայն Հարաւային Կովկասի, այլ նաեւ Միջին Արեւելքի, յատկապէս Սուրիա-Լիբանան ազդեցութեան գօտիին վրայ:

«Գ.»

Կիրակի, 12 Յունիս 2022-ին, Սուրիական Օդուղիներու ընկերութիւնը յայտարարեց, որ Դամասկոսի Միջազգային Օդակայանէն ներս թռիչքներու դադարեցման եւ յետաձգման լոյսին տակ ճամբորդներուն ապահոված տոմսերուն կարգաւորման միջոցներ պիտի ճշդուին:



Այս առիթով, Սուրիոյ Փոխադրութեան Նախարարութիւնը հաղորդագրութեամբ ներողամտութիւն խնդրեց ճամբորդներէն, յայտնելով, որ տոմսերը կրնան օգտագործուիլ Օդակայանի բանեցումէն ետք եւ նոյն ապահովուած սակով:

Նախարարութիւնը աւելցուց, որ փափաքողները կրնան նաեւ տոմսերը վերադարձնել եւ անոնց փոխարժէքը ստանալ:

-Չորեքշաբթի, 15 Յունիս 2022-ին ՍԱՆԱ հաղորդեց, որ ահաբեկչական խմբաւորումներ հիւսիսային գիւղերէն երկու հրթիռ արձակեցին Լաթաքիոյ Նահանգի Քեսապ ամառանի վրայ: Արձանագրուեցան նիւթական աննկատ վնասներ:



«Գանձասար»ի թղթակիցը յայտնեց, որ նոյն ժամերուն Քեսապի հրապարակին կեդրոնը տեղի կ'ունենար պետական ձեռնարկ մը: Երկու հրթիռները ինկած են լերան մը վրայ, առանց նկատառելի վնաս պատճառելու:

-Չորեքշաբթի, 15 Յունիսին, Ղազախստանի մայրաքաղաք Նուր Սուլթանի մէջ ընթացք առաւ Սուրիոյ շուրջ Ասթանայի միջազգային երկօրեայ 18-րդ բանակցութեան նիստը:


Սուրիական պատուիրակութիւնը նախագահեց Սուրիոյ արտաքին գործոց նախարարի օգնական ղոկտ. Այման Սաուսան, ռուսական պատուիրակութիւնը՝ Սուրիոյ մէջ Ռուսիոյ նախագահի անձնական բանագնաց Ալեքսանտր Լաւրենթեւ, իսկ իրանեան պատուիրակութիւնը՝ Իրանի արտաքին գործոց նախարարի քաղաքական հարցերու խորհրդատու Ալի Ասղար Խաճի, ինչպէս նաեւ այլ պատուիրակութիւններու ներկայացուցիչներ: Բանակցութեան օրակարգը կ'ընդգրկէ Սուրիոյ մարդասիրական, ընկերային եւ տնտեսական իրավիճակին շուրջ խորհրդակցութիւններ:



-Նոյն օրը, Սուրիոյ Փոխադրութեան Նախարարութիւնը իր պաշտօնական կայքով յայտարարեց, որ նախորդ երկու օրերուն ընթացքին, Հալէպի Միջազգային Օդակայանը շուրջ 50 թռիչք կազմակերպեց Դամասկոսի Միջազգային Օդակայանին փոխարէն: Նախարարութիւնը աւելցուց, որ Հալէպի Միջազգային Օդակայանի անձնակազմը ճիգ չի ինսայր ճամբորդներուն հանգստաւետ թռիչք ապահովելու համար:



-Սուրիացի փախստականներու եւ տեղահանուածներու վերադարձին առնչուող միջազգային համաժողովին հետեւելու սուրիա-ռուսական չորրորդ համատեղ հանդիպումի շրջագիծին մէջ, Չորեքշաբթի օր Սուրիոյ Ելեկտրականութեան Նախարարութեան յարկէն ներս տեղի ունեցաւ խորհրդակցութիւն, որուն մասնակցեցան Ելեկտրական կենսուժի, քարիւղի, հանքարդիւնաբերութեան երկու երկիրներու նախարարութիւններու ներկայացուցիչներ:



Հանդիպման ընթացքին քննարկուեցան գործակցութեան երկարաժամկետ հեռանկարները՝ Ելեկտրականութեան եւ Ելեկտրական կենսուժի ոլորտի զարգացման ուսումնասիրութիւններու, ոչ-աւանդական վառելիքներու ապահովման, վերականգնող կենսուժի արտադրման համար Ելեկտրակայաններու շահագործման կարելիութիւններու գծով:

ՀԱՅԱՍՏԱՆԻ «ԴԻՄԱԴՐՈՒԹԻՒՆ» ԸՆԹՈՒՄԸ ԿԸ ՓՈՒՆԷ ԻՐ ՄԱՐՏԱՎԱՐՈՒԹԻՒՆԸ

Զորքեջաբթի, 14 Յունիսին, Ֆրանսայի հրապարակին վրայ սկսաւ «Դիմադրութիւն» շարժումին հանրահաւաքը:

Այս առիթով 337 ԳՄ ներկայացուցիչ Իշխան Սաղաթէլեան խօսք առնելով ըսաւ. «Յոս ենք՝ շատ կարեւոր հարցերու պատասխանելու, միասին որոշում ընդունելու, յառաջ երթալու համար: Այդ որոշումները պէտք է ապահովեն մեր շարժումի հետագայ ընթացքը, գարգացումը, նպատակներու վերջնական իրագործումը: Նպատակը նոյնն է՝ կանխել Արցախի հայաթափումը եւ Հայաստանի թրջացումը, չեզոքացնել Հայաստանի ինքնիշխանութեան սպառնացող վտանգները, իսկ անոր հասնելու համար պէտք է հեռացնել այս չարիքի իշխանութիւնը, ձեւաւորել ազգային իշխանութիւն, որ պիտի կատարէ պետականութեան կործանման այս ընթացքը, պիտի ապահովէ երկրի սահմաններու անձեռնմխելիութիւնը, տարածքային ամբողջականութիւնը, պիտի հաստատէ արժանապատիւ խաղաղութիւն, պետականութիւնը պիտի վերադարձնէ ժողովուրդին, Հայաստանը պիտի դարձնէ արժանապատիւ եւ բարեկեցիկ երկիր: Ուստի այս շարժումին նպատակը եւ առաքելութիւնը սրբազան են, ու քանի տակաւին վերը նշուած հարցերը չեն լուծուած, այս շարժումը դադար չունի»:



Այս առիթով «Ֆրանսայի հրապարակը այլեւս Դիմադրութեան շարժումին կը պատկանի՝ անկախ անկէ, թէ այստեղ վրաններ պիտի ըլլան, թէ ոչ: Մեր ժողովուրդը արդէն նուաճած է Հայաստանի եւ ՀՀ մայրաքաղաքի բազմաթիւ հրապարակներ: Մենք ցոյց տուած ենք, որ մեզի համար փակ փողոցներ գոյութիւն չունին: Ընտրութիւն ընելիքները պէտք է բխին առաջադրուած հարցերէն: Պէտք է պայմաններ ստեղծել, որպէսզի կանխենք յանձնողականութիւնը նոր պայմանագրի ընդունումը, հասնիլ Նիկոյի հեռացումին՝ հրաժարականի կամ պաշտօնանկութեան միջոցով: Պայքարը այս երկու ուղղութիւններով պէտք է ըլլայ գուցա հեռ»:

Ան ներկայացուց պայքարի հետագայ գործողութիւնները. «Ամենշաբաթայ նախաձեռնութիւններ՝ փողոցային ցոյցեր, մասնագիտական քննարկումներ, պարտադիր ժամանակացոյցով եւ օրակարգով հանդիպումներ: Ընտրութիւն տարածքային եւ ճիւղային ստորաբաժանումներու ձեւաւորում՝ Արցախի եւ Սփիւռքի մէջ: Հայաստանի մէջ հաւատարմագրուած դիւանագիտական ներկայացուցչութիւններու եւ միջազգային կազմակերպութիւններու հետ ծրագրաւորուած աշխատանք: Ապօրինաբար ձեռքակալուած եւ կալանաւորուած շարժումի մասնակիցներու իրաւունքներու պաշտպանութեան համար հետեւողական աշխատանք»:

Իշխան Սաղաթէլեան ընդգծեց, որ այս ամենուն գուցա հեռ պէտք է պատրաստ ըլլալ վճռորոշ գարգացումներու, որոնց պէտք է արագ արձագանգել, հակազդել ու անմիջապէս վերադառնալ փողոցային պայքարի 24-ժամեայ դրութեան: Ան այնուհետեւ առաջարկեց երթ իրականացնել Երեւանի կեդրոնական փողոցները եւ վերադառնալ Ֆրանսայի հրապարակ՝ ամփոփելու հանրահաւաքը: Հանրահաւաքի անարտին Իշխան Սաղաթէլեան ներկայացուց «Դիմադրութիւն» շարժումի յառաջիկայ օրերու ընելիքները:

ԱՏՐՊԷՅԱՆԻ ԿԱՌԱՎԱՐՈՒԹԻՒՆԸ ԸՆԿԵՐՈՒԹԻՒՆՆԵՐ ԿԸ ՀՐԱԻՐԷ ԲԱՐՎԱՃԱՌԻ ՄԷՋ ՆԵՐՊՐՈՒՄՆԵՐ ԿԱՏԱՐԵԼՈՒ

Ատրպէյճանի կառավարութիւնը սեփական ընկերութիւնները կը հրաւիրէ ներդրումներ կատարելու Բարվաճառի մէջ հանքային ջուրի արտադրութեան գործարանի եւ առողջարանի կառուցման նախագիծերուն մէջ: Ատրպէյճանի կառավարութեան «Ինթըրֆաքս»-ին յայտնած են, որ ընդհանուր առմամբ նախագիծը կը գնահատուի 1,8 միլիոն տոլարով: «Ներդրողներուն պիտի տրամադրուի պետական աջակցութիւն՝ արտօնեալ վարկերու, մաքսային եւ հարկային արտօնութիւններու տեսքով», վկայակոչելով Ատրպէյճանի կառավարութեան աղբիւրը՝ կը տեղեկացնէ ռուսական լրատու գործակալութիւնը:



44-օրեայ պատերազմի ընթացքին Ատրպէյճանի կողմէ գրաւուած է Ջերմաջուր (ատրպէյճանական անուանումը՝ Իսթիսու) մեծ բնական աղբիւրը, որ կը գտնուի Թարթար գետի ափին, Բարվաճառ քաղաքէն դէպի հարաւ: Ջերմաջուրը հարուստ է բնական տաք աղբիւրներով, տեղւոյն հանքային ջուրը ունի բուժական յատկութիւններ եւ բաղադրութեամբ նման է Բարլովի Վարիի եւ Ջերմուկի հանքային ջուրերուն, կ'օգտագործուի բուժական լոգանքներու համար: Ատրպէյճանի կառավարութեան տուեալներով՝ երկրի հանքային ջուրի ընդհանուր պաշարներուն 33 առ հարիւրը կը գտնուի Բարվաճառի (Բելբաջար) եւ Բերձորի (Լաչին) շրջաններուն մէջ:

ՆԻԿՈՒ ՓԱՇԻՆԵԱՆ. «ՄԻԳՆԱՅՔԻ ՄԱՍԻՆ ԶԵՆԱԿԵՐՊՈՒՄՆԵՐԸ ԱՆՁՆՈՒՄՆԵՒԻ ԵՆ, ԱՏԻԿԱ ՄԵԶԻ ՀԱՄԱՐ ԿԱՐՄԻՐ ԳԻԾ Է»

ՀՀ վարչապետ Նիկոլ Փաշինեան անդրադարձած է տարածաշրջանային ճանապարհներու բացման հարցին եւ շեշտած, որ այդ նիւթի պարունակին մէջ միջանցքներու մասին խօսքերը անընդունելի են:



«Ալ-ճազիրա»-ին տուած հարցազրոյցին ընթացքին, պատասխանելով այն հարցումին, թէ ի՞նչ են Հայաստանի մօտեցումն ու դիրքորոշումը այն «միջանցք»-ին նկատմամբ, որ ենթադրաբար պէտք է կապէ Ատրպէյճանը եւ Թուրքիան՝ անցնելով Հայաստանի տարածքով, Փաշինեան պատասխանած է.

«Գիտեք, մեզի համար անընդունելի են այսպէս կոչուած միջանցքի մասին ձեւակերպումները, եւ ատիկա մեզի համար կարմիր գիծ է, քանի որ մեր տարածաշրջանին մէջ, համաձայն եռակողմ յայտարարութեան, որուն մասին նշեցի մեր խօսակցութեան սկիզբը, մենք ունինք մէկ միջանցք, ատիկա Լաչինի միջանցքն է, որը կը կապէ Լեռնային Ղարաբաղը Հայաստանին: Բայց մեր եռակողմ յայտարարութեան մէջ ունինք մէկ այլ դրոյթ, որ հաղորդակցութիւններու բացման մասին է: Նկատի ունիմ երկկողմանի, ճանապարհներ, եւ մենք պատրաստ ենք, իրականութեան մէջ արդէն կը քննարկենք տարածաշրջանային հաղորդակցութիւնները բանալու հարցը՝ երկուստեք ինքնիշխանութեան եւ սահմաններու անբակտելիութեան յարգանքի սկզբունքով»:

ՀՅԴ ՊԱՏՈՒԻՐԱԿՈՒԹԻՒՆԸ ՀԱՆԴՊՈՒՄ ՈՒՆԵՅԱԲ ՇՄԸՄ-Ի ԱՐԵՄՏ. ԱՄԵՐԻԿԱՅԻ ԸՐԶԱՆԱՅԻՆ ՎԱՐՉՈՒԹԵԱՆ ՇԵՏ

Երեքշաբթի, 14 Յունիսին, ՀՀ պատուիրակութիւնը հանդիպում ունեցաւ Հայ Մարմնակրթական Ընդհանուր Միութեան Արեւմտեան Ամերիկայի Շրջանային Վարչութեան հետ:

ՀՀ պատուիրակութիւնը կը գլխաւորէր ՀՀ Բիւրոյի անդամ Խաժակ Մկրտիչեան, ներկայ էին նաեւ Արեւմտեան ԱՄՆ Կեդրոնական Կոմիտէի ներկայացուցիչ Տարոն Տեր Խաչատուրեան եւ ԿԿ-ի անդամ Հարմիկ Պաղտասարեան:



Շրջանային վարչութեան փոխատենապետ Սեւակ Կարապետեան համառօտ զեկոյց տուաւ Շրջանային Վարչութեան ներկայ մարտահրաւերներուն եւ ընթացող աշխատանքներուն մասին: Միտքերու փոխանակում տեղի ունեցաւ շրջանի մասնաճիւղերու աշխուժութեան, սկստական եւ մարզական աշխատանքներուն եւ Նաւասարդեան խաղերուն մասին: Օգտուելով ՀՀ Բիւրոյի ընկերոջ եւ Կեդրոնական Վարչութեան անդամներու ներկայութենէն Շրջ. Վարչութիւնը քննարկեց նաեւ այլ շրջաններու հետ Արեւմտեան շրջանի գործակցութեան կարելիութիւններն ու անհրաժեշտութիւնը:

Խաժակ Մկրտիչեան համառօտ զեկոյց ներկայացուց Հայաստանի եւ Արցախի ներկայ իրավիճակին ու մարտահրաւերներուն ու հայրենի ժողովուրդի դիմադրութեան շարժումին մասին, լուսարձակի տակ պահելով ուղեկից կազմակերպութիւններու դերակատարութիւնն ու կարելիութիւնը ներկայ գգայուն պայմաններուն մէջ:

ՆՇԱՐ

ՎԱՐՁԿԱՆԸ ՎԱՐՁԿԱՆ Է ԵՒ ՎԵՐՉ



Ս. Մասիերեճեան

Արեւմտեան աշխարհը, իր քաղաքական, մամլոյ-քարոզչական եւ... մարդու իրաւունքներու պաշտպաններու զօրակայաններով, տագնապի մատնուած է:

Պատճառը: Ուքրանիոյ արեւելեան գօտիին իշխանութիւնները, որոնք կը կռուին Չելենսքի իշխանութեան դէմ եւ կը վայելեն Ռուսիոյ հովանին ու աջակցութիւնը, ձերբակալած են 3 օտարահպատակներ, որոնք իբրեւ վարձկան կը կռուէին Զիւլի բանակի շարքերուն (պահ մը մոռնանք, որ սա հակադարձութիւն մըն է ռուս զինուորներ իբրեւ պատերազմական ոճրագործ դատարան տանելու ուքրանական քայլին): Կարճ. Տոնպասի իշխանութիւնները ձերբակալած են երկու բրիտանացի եւ մէկ մարոքցի վարձկաններ, զանոնք դատած են իբրեւ ոճրագործ-վարձկաններ եւ մահուան դատապարտած են:

Վա՛յ... կը բացագանչեն արեւմուտքի մուկետիկները: Ինչպե՞ս կ'ըլլայ, որ վարձկաններ իբրեւ ոճրագործ դատուին եւ մահուան դատապարտուին: Եւ ահա, տարօրինակ մրցակցութիւն մը ծայր կ'առնէ: Զիւլի պաշտպան բանբերներ կը պնդեն, որ ձերբակալուածները կարելի չէ վարձկան կոչել, որովհետեւ երբ ռուսական յարձակումը սկսաւ՝ Չելենսքի կոչ ուղղեց աշխարհին, որպէսզի այլ երկիրներէ երիտասարդներ գան եւ զինուորագրուին իր բանակին, կռուին ռուսերուն դէմ: Բանբերները կը պնդեն, որ խընդ-



Վարձկաններ Ուքրանիոյ մէջ: Լուսանկարը հրատարակողը հարց տուած է. «Փրկարարներ, թէ՞ գերեզմանափորեր...»

րոյ առարկայ «կամաւորները» գրաւոր պայմանագրութիւն կնքած են ուքրանական բանակին հետ եւ ներգրուած՝ անոր շարքերուն: Անոնք կը ծայնակցին մարդու իրաւանց պաշտպան կազմակերպութիւններ, կը պնդեն, որ վարձկանները իրաւունքներ ունին իբրեւ մարդ, անոնք կը դատուին պատերազմական գերիներու շարքին, անոնք իրաւունքները պաշտպանուած են ժընեւի համաձայնագիրներով (պայմանագրութիւն կնքող օտարակալը վարձկան ըլլալէ կը դադրի՞. Այսինքն, վարձկան ըլլալը հիմա նոր սահմանում ունի...: Մէկը չի բացայայտեր, թէ վարձկանը որքա՞ն դրամ կը գանձէ եւ իսկապէս ո՞վ է վճարողը): Եւ ահա վճիռ արձակողները կը կոչուին «կապիկի դատարան», կ'ըսեն, որ այդ վճիռը ի գօրու չէ: Վաղը ի՞նչ պիտի պատահի, եթէ վարձկանները գնդակահարուին կամ կախաղան հանուին...

Կայ «մետալին միւս կողմը». Տոնպասի մէջ, Չելենսքիի ուժերուն դէմ կռուողները կը պիտակաւորուին իբրեւ «Ռուսիոյ վարձկանները»...

Ո՛չ մէկ կասկած, որ Թուրքիա եւ Ատրպեյճան ցնծութեամբ կը հետեւին այս դատավարութեան եւ յաջորդելիք քայլերուն, անոնք մէջ տեսնելով իրենց շնորհուած... բարի վարուց վկայագիր մը: Չէ՞ որ Թուրքիա աւելի քան 10 տարիէ ի վեր բացայայտօրէն վարձկաններ գործի լծելը նոր մակարդակի բարձրացուցած է, ծայրայեղական իսլամներու ամբողջ բանակներ կազմած է եւ գանոնք արձակած՝ Իրաքի, Սուրիոյ, Լիպիոյ եւ այլ երկիրներու սահմաններէն ներս (անգամ մը եւս շեշտենք, որ այդ պատերազմիկները իսկական Իսլամի հետ աղերս չունին, այլ կը ծառայեն թրքատիպ «իսլամութեան» անմիջական եւ հեռահաս ծրագիրներուն՝ համաթուրանականութեան): Արցախեան 44-օրեայ պատերազմին, այդ վարձկաններէն բաժին հանուեցաւ Նաեւ մեզի՞ հայութեան: Թրքական դերակատարութիւնն ու բացայայտ միջամտութիւնը փաստագրուած են: Հայաստանի մէջ արդեօք մէկը, մանաւանդ իշխանաւորները կը յիշե՞ն այդ ոճիրները, թէ՞ «Թուրքիոյ եւ Ատրպեյճանի հետ խաղաղութեան էջ պիտի բանակը»-ը ջնջած է այդ դառն յիշատակներն ալ:

Ի դէպ, միայն հպանցիկ ակնարկութիւն կ'ըլլայ, թէ ուքրանական եւ ռուսական իշխանութիւնները քիչ մը անդին պատերազմական գերիներու

փոխանակում կը կատարեն...

Սեփական բանակի մէջ վարձկան ունենալը նորութիւն չէ: Հին դարերէն սկսեալ, միշտ ալ վարձկաններ պատերազմի դաշտ նետուած են: Պատմութիւնը արձանագրած է Նաեւ, որ վարձկանները ճակատներէն առաջին խոյս տուողը եղած են եւ երբեմն պատճառ դարձած՝ զիրենք օգտագործող կողմին տկարացման, պարտութեան: Սակայն տեսե՛ք թէ «արդի աշխարհ»-ին մէջ, վարձկանը կը ստանայ տարբեր իմաստ, ճակատողներ իրենց ուզածին պէս կը մեկնաբանեն վարձկանութիւնը: Կը փորձեն համոզել, որ եթէ օտարական մը պայմանագրութեամբ անդամակցի այլ երկրի մը բանակին, զայն պետք չէ վարձկան կոչել, աւելի՛ն, պետք է պաշտպան կանգնիլ անոր իրաւունքներուն, զայն դասել պատերազմական գերի:

Անշուշտ պարագան բոլորովին տարբեր պիտի ըլլար, եթէ այլ երկիրներ գաղթած ուքրանացիներ, անսալով հայրենիքի կոչին, վագէին միանալու բանակին: Իսկ թէ այս պատերազմը ինչո՞վ կ'արդարանայ, այդ ալ բոլորովին այլ հարց: Հիմա շատ աւելի տեսանելի են... շահ ապահովողները եւ ակնկալութիւններ աճեցնողները:

Ամերիկեան իշխանութիւններն ալ վստահաբար վարձկանները պաշտպանողներու կարծիքին կը յարին: Չէ՞ որ Իրաքի, Աֆղանիստանի մէջ եւ այլուր, անոնք ալ վարձկաններ գործի լծեցին (միւսէն հիմա ալ ունին): Հոն, տարբեր «տրամաբանութիւն» մըն ալ կար. վարձկան խմբաւորումներու (կառավարութեան հետ պայմանագրութիւն կնքած եւ իսկայական գումարներ ստացող կազմակերպութեանց) կը վստահուէին այնպիսի արարքներ, որոնք բացայայտումը կրնար հակահարուած հասցնել ամերիկեան իշխանութիւններուն, վարկաբեկել «ժողովրդավարութիւն եւ մարդկային իրաւունք» պաշտպանողները...: Եւ հազուադէպ չէին այն ոճիրները, որոնք բացայայտումէն ետք, ամերիկեան իշխանութիւնները խղճի հանգստութեամբ յայտարարեցին, որ օրինակի համար՝ «Պլէք Ուոթըր»-ի պէս կազմակերպութիւններ կապ չունին ամերիկեան կառավարութեան հետ:

Ակնոցը կը փոխուի, երբ աչքի առջեւ կը բերուին ամերիկեան խորհրդարանը Թրամիի քաջալերանքով գրաւող... վարձկանները:

Երեք վարձկանի դէմ մահավճիռը իսկայ փոթորիկ կը ստեղծէ քաղաքական եւ քարոզչական բեմերուն վրայ: Վարձկաններուն պաշտպանութիւնը յանձն առած շրջանակներ Նոյնքան չեն մտահոգուած, որ, ըստ Զիւլի խոստովանութեան՝ ուքրանական բանակը իւրաքանչիւր օր կ'ունենայ մինչեւ 200 գոհ: Այլապէս, «իբրեւ պարզ իրականութիւն ընդունեցե՞ք»-ի տրամաբանութեամբ կը հաղորդուին քաղաքներու քար ու քանդ ըլլալուն, հակամարտ շրջաններուն մէջ բազմահազար քաղաքայիններու սպանութեան եւ միլիոնաւորներու գաղթական դառնալուն լուրերը: Այս արիւնալի ու ծխամոյն ենթապատկերին մէջ է, որ աշխարհի կոկորդէն վար կը հրուի վարձկանի նոր սահմանումը, մարդկութիւնը կը հրաւիրուի կանգնելու գանոնք պաշտպանողներուն կողքին: Եւ ճիշդ ա՛յդ շրջանակներն են, որ կը փութան Թուրքիոյ եւ Ատրպեյճանի հետ մեզ հաշտեցնելու...

Մեզի՞ հայերուս, համար յստակ է, թէ Արցախի դէմ թուրք-ազերիներուն կողքին պատերազմի մտած վարձկանները, ի՞նչ որակում ալ տրուի անոնց, թգեհի տերեւ մը իսկ չունին պաշտպանուելու: Երբ վարձկանը կը դադրի մարդ ըլլալէ, կը գործէ անմարդկային եւ թրքատիպ ոճիրներ, ալ ի՞նչ մարդկային իրաւունք, ի՞նչ ժընեւեան համաձայնագիրներ: Վարձկանը վարձկան է եւ վերջ:

ՄԱՐԴԸ ՈՐ...

Սկիզբ՝ էջ 7

գրել այդ մասին, ինչպէս Զեմալ Եալչըն՝ «Հոգիս Զեմալ կը Խայտայ», Ֆէթիհէ Չէթին՝ «Մեծ Մայրս», կամ այլ գրագետներ, ինչպէս Էլիֆ Շաֆաք կամ Օրհան Փամուք, որոնք կ'անդրադառնան հայկական հարցին իրենց վէպերուն մէջ, ինչպէս օրինակ «Իսթանպուլի Ընկեցիկը», կամ «Ձիւնը» յաջորդաբար:

Այլ խօսքով հայերուն գոյութիւնը Թուրքիոյ գաւառներուն մէջ եւ այսօր անոնց «անհետացումը» այդ տարածքներէն, սկսած են անպաշտօն կերպով յիշուիլ եւ անդրադարձ գտնել թուրք ընթերցող հասարակութեան մօտ: Դժբախտաբար շատ փոքր է տակաւին անոնց թիւը, որոշ փոփոխութիւն մը յառաջացնելու համար: «Աքսոր»ը յոյսին կը բերէ հայ ըն-

տանիքի մը դժբախտ ողիսականը, երբ ստիպուած մէկ գիւղէն միւսը կը ճամբորդէ. այդ գիւղերը մեզի ծանօթ չեն, ոչ միայն որովհետեւ երկրին խորը գտնուող աննշան գիւղեր են, այլ նաեւ անոր համար, որ Արեւմտահայաստանի շատ գիւղեր եւ ավաններ այսօր թրքական անուններ ունին, իսկ հայկականները մոռցուած են արդէն:

Գիրք մըն է ասիկա, որուն ընթերցումը յոյժ կարեւոր է իւրաքանչիւրիս համար, որպէսզի մնանք մի՛շտ արթուն եւ պատրաստ վտանգի մը առջեւ, որ դարանակալ կը դիտէ մեզ, այնքան երկար ժամանակէ ի վեր:

Այսօր, բարեբախտաբար, Ֆերման Թորոսեանի Սիւ Ճըրգի գըտնուող տունը շրջապատուած է ոչ միայն արդէն հասակ առած ծառերով, այլ նաեւ «երկրէն» բերուած կիլիկի (կորեկի տեսակ մը) թուփերով: Մարդը, որ ծառատունկով կարծեք իր վրէժը կը լուծէ:

ԱՏՐՊԵՅՃԱՆ «ՂԱՐԱԲԱՂԵԱՆ» ՆԺՈՅՉ ԱՐՆՈՒՐԱԾ Է ԱՆԳԼԻՈՅ ԹԱԳՈՒՅԻՆ ՅՍԱԿ ԿԱՇԱՌԹ...



Յարութ Սասունեան

Ատրպեյճանի Ձիավարժութեան ընկերակցութեան նախագահ Էլչին Կուլիեւի գլխավորած պատուիրակութիւնը 16 Մայիսին Անգլիոյ թագուհիին նուիրած է «Ղարաբաղեան հազուագիւտ նժոյգ»՝ «Շոհրաթ» (փառք) անունով, իբրեւ նախագահ Իլիամ Ալիեւի կողմէ «ընծայ»:

Ատրպեյճանական կողմը հրաւիրուած էր ելոյթ ունենալու Նորին Մեծութեան գահակալման Փլաթինէ յորբելանի տոնակատարութիւններուն: 12-15 Մայիսին, Ուիլսթրիթ թագաւորական ձիերու հանդիսութեան, մասնակցողներու շարքին էին ատրպեյճանական հեծելազօրային շոկատը եւ սահմանապահ ծառայութեան պարային համոյթը՝ ազգային տարագով, որոնք կատարեցին «Յոյ երկիր» խորագիրը կրող յայտագիրը: 2012-էն ի վեր Ատրպեյճան կը մասնակցի այս հանդիսութեան:

96-ամեայ Էլիզապէթ երկրորդ թագուհին, շարժողականութեան խնդիրներու պատճառով ձեռնափայտը ձեռքին, սպասած է Ուիլսթրիթի ամրոցի բակը, որպէսզի անձամբ ընդունի Ատրպեյճանի «նուէրը»: Միայնակ, որ իր ամբողջ կեանքին ընթացքին սիրած է ձիեր, ըսած է, որ այդ «շատ սիրալիր, շատ առատածէտ» վարմունք էր: Վերջերս աճուրդի մը մէջ նման ձի մը ծախուած է 17 հազար տոլարով: Թագուհիին նուիրած են նաեւ ձիերու երկու քանդակներ, զորս պատրաստած էր ատրպեյճանցի քանդակագործ Ֆայիթ Յաճիեւ: Յետաքրքրական է, որ հորիորային Միութեան Կոմկուսի առաջին քարտուղար՝ Նիքիթա Խրուշչով, 1956-ին, Մեծն Բրիտանիա կատարած այցի ընթացքին ան եւս Էլիզապէթ երկրորդ թագուհիին նուիրած էր «Ղարաբաղեան նժոյգ»՝ «Չաման» անունով:

Գթաքցնելով թագուհիին ընծայուած ատրպեյճանական «նուէր»ի քարոզչական արժէքը՝ Ատրպեյճանի պետական սահմանային ծառայութեան մամուլի կեդրոնը, պատմական փաստերու ակընյայտ խեղաթիւրմամբ, բացայայտ յայտարարած է, որ Մեծն Բրիտանիոյ ձիերու հանդէսը «չափազանց կարեւոր բեմ դարձած է ատրպեյճանական հնագոյն եւ եզակի մշակոյթը ծանուցելու համար»:

Այսուամենայնիւ, ատրպեյճանական քարոզչութիւնը հակառակ արդիւնքի յանգեցաւ, երբ «Գաղտնագերծուած Մեծն Բրիտանիա» կայքի գլխաւոր լրագրող Ֆիլ Միլըրը քննադատական խիստ յօդուած մը գրեց՝ «Բարկացնող է, որ թագուհին «առատածէտ» նուէր կը ստանայ բռնապետէն» վերնագրով: Յօդուածը կը սկսի այսպէս. «Մինչ թագուհին կը կը Փլաթինէ իր յորբելանքը, կը բախի յորդորներու՝ վերադարձնելու այն նժոյգը, որ վեր-

ջերս ստացած է բռնապետական վարչակարգէն. երրորդ բռնակալութիւնը, որմէ ան այսպիսի նուէր մը ընդունած է»:

Միլըր կը յայտնէ՝ «Հանրապետութիւն խումբը, որ կը փափաքի ջնջել միապետութիւնը եւ գայն փոխարինել ընտրուած պետութեան ղեկավարով, քննադատած է թագուհին՝ «մտերիմ յարաբերութիւններու համար, ուր ան ձիեր կը ստանայ բռնապետութիւններէ»: Հանրապետութիւն խումբի խօսնակ Կրա-



համ Սմիթ ըսած է «Գաղտնագերծուած Մեծն Բրիտանիոյ»։ «Բրիտանական պետութեան ղեկավարին համար այնքան ալ լաւ բան չէ նման յարաբերութիւններ ունենալ այն մարդոց հետ, որոնք շատ կասկածելի ձեռքբերումներ ունին իրենց պաշտօնին բերումով եւ կը ճնշեն իրենց սեփական ժողովուրդը: Կը կարծեմ, որ տիպարն է այս, բան մը, որ ուրիշ պետութեան մը ղեկավարը ինքնիրեն թոյլ պիտի չտար ընել: Ես կը գարմանամ, որ կառավարութիւնը խորհուրդ չէ տուած անոր՝ մերժելու այսպիսի նուէրներ, բայց կ'ենթադրեմ, որ պատճառը այն է, ինչով որ ան մեծապէս գրաւուած է՝ ձիարշաւը: Կը կարծեմ լաւագոյն բանը, որ ան կրնար ընել՝ նուէրները վերադարձնելն էր եւ խնդրել, որ հետագային այլեւս նման բան չառաջարկեն իրեն»:

Միլըր անցնում է. «Ալիեւներու ընտանեկան ցանցը մեծապէս կը մեղադրուի պետական միջոցներու իւրացման եւ Լոնտոնի մէջ անլիք քան 500 միլիոն տոլարի սեփականութիւն ձեռք բերելու մէջ, որոնցմէ մէկը ծախուած է թագուհիին ունեցած կալուածին՝ 82 միլիոն տոլար արժողութեամբ գործարքով»:

Միլըր մէջբերած է վտարանդի ատրպեյճանցի լրագրող Արզու Կէյպուլաեւան. «Նախագահ Իլիամ Ալիեւ յայտնի է ոչ միայն իր մենատիրական ղեկավարութեամբ, այլեւ ան յաջողութեամբ կրցած է փճացնել կառավարման ամբողջ համակարգը՝ կամակատարները, սակաւապետները (oligarchs) եւ ընտանիքի անդամները տեղաւորելով ղեկավար բարձրագոյն պաշտօններու վրայ»:

2 Յունիսին, Բրիտանական Համագործակցութեան բոլոր չորս երկիրներու՝ Աւստրալիոյ, Քանադայի, Նոր Զելանտայի եւ Միացեալ Թագաւորութեան Հայ Դատի յանձնախումբերը միացեալ յայտարարութիւն տարածած են՝ «Ձերդ մեծութիւն, զգուշացէ՛ք ընծաներ բերող բռնապետներէ» վերնագիրով: Հայ Դատի յանձնախումբերը ըսած են, որ Ատրպեյճան կը փորձէ «ճամբայ բանալ՝ մաքրելու համար իր սարսափելի հեղինակութիւնը մարդկային իրաւունքներու ոլորտէն ներս»: Հայ Դատի յանձնախումբերը նուէրը կոչած են «Ատրպեյճանի մենատիրական վարչակարգի՝ իր թերութիւնները դրական լոյսի տակ ներկայացնելու լկտի վերջին փորձերէն մէկը»: Միացեալ յայտարարութեան մէջ նաեւ կ'ընդգծուի,



որ «իրաւապաշտպան կազմակերպութիւններ հետեւողականօրէն բացայայտած են Ատրպեյճանի կողմէ խաւիարային դիւանագիտութեան օգտագործումը՝ կաշառակերային շարք մը գայթակղութիւններու մէջ, ուր պարզուած է, որ անոնք կը վճարեն՝ միջազգային հանրութեան շրջանակի մէջ իրենց երկրի հեղինակութիւնը բարձրացնելու համար»:

Հայ Դատի չորս յանձնախումբերը յիշեցնում են, որ «2012-ին, նախագահ Ալիեւ դարձած է կազմակերպութեան յանցաւորութեան եւ կաշառակերութեան դէմ պայքարի տարուան մարդ մրցանակի անդրանիկ յաղթողը, որ կը շնորհուի Կազմակերպութեան յանցաւորութեան եւ կաշառակերութեան հաղորդման նախագիծի (OCCRP) կողմէ»: Հայ Դատի յանձնախումբերը ահագանգած են թագուհիին, որ «Freedom House-ը Ատրպեյճանի մէջ մարդկային իրաւունքներու վիճակը ամփոփած է հետեւեալ ձեւով.

«Ատրպեյճանի մենատիրական վարչակարգի բերումով, իշխանութիւնը 2003-էն ի վեր կը շարունակէ կեդրոնացած ըլլալ նախագահ Իլիամ Ալիեւի եւ անոր մեծ ընտանիքին ձեռքը»: Կաշառակերութիւնը համատարած բնոյթ կը կրէ, իսկ քաղաքական պաշտօնական ընդդիմութիւնը թուցած է տարիներու հալածանքներու պատճառով: Վերջին տարիներուն իշխանութիւնները մեծ ճնշում գործադրած են քաղաքացիական ազատութիւններու դէմ՝ չնչին տեղ մը ձգելով ազատ արտայայտուելու կամ աշխուժութեան համար»:

Մեծն Բրիտանիոյ Հայ Դատի Յանձնախումբի նախագահ Անթոն Մուսկֆեան յայտարարած է. «Մենք կասկած իսկ չունինք, որ նուէրը դիտարկելու եւ նպատակաւորօրէն գործողութիւն է ատրպեյճանական վարչակարգին կողմէ՝ փառաբանելու իր ռազմական յանցագործութիւնները եւ հոգեբանական վնաս պատճառելու համար հայերուն՝ Համագործակցութեան երկիրներուն, ինչպէս նաեւ Արցախի մէջ՝ իրենց նախնիներուն հայրենիքը, ուր անոնք կանգնած են գոյատեւման վտանգի առաջ եւ ականատես եղած, որ իրենց նախնիներու հայրենիքէն որոշ հատուածներ բռնագրաւուած եւ ցեղային զտման ենթարկուած են, օտար բռնապետութեան կողմէ»:

Քանադայի մէջ, Հայ Դատի Յանձնախումբի գործադիր տնօրէն Սեւակ Պելեան անցնում է. «Մենք վստահ ենք, որ վերոնշեալին մասին լիովին տեղեկացուած ըլլալէ ետք Նորին Մեծութիւնը պետք է իրաւացիօրէն վերատեսութեան ենթարկէ այս «նուէր»ը ընդունելու հարցը եւ մերժէ Ատրպեյճանի բացայայտ ու ստոր խաւիարային դիւանագիտութիւնը»:

Քիչ հաւանական է, որ թագուհին վերադարձնէ Ատրպեյճանի նուիրած նժոյգը, այնքան ատեն, որ բրիտանական հանրութիւնը ճնշում չէ գործադրած իր կառավարութեան վրայ՝ ըսելով, որ այս «նուէր»ը ուրիշ բան չէ, եթէ ոչ գոեհիկ կաշառք՝ արդարացնելու համար Ալիեւի վարչակարգ մին յանցագործութիւնները Ատրպեյճանի, ինչպէս նաեւ Արցախի ու Հայաստանի ժողովուրդներուն դէմ:

**Արեւելահայերէնի թարգմանեց
Ռուզաննա Աւագեան
Արեւմտահայերէնի վերածեց
Սեդա Գրիգորեան**

«ԳԱՆՁԱՍԱՐ»
ՊԱՇՏՈՆԱԹԵՐԹԻ ԱՆՁՆԱԿԱԶՍ

Խմբագիր՝ Զարմիկ Զիւլքոջեան-Պողիկեան
Սրբագրիչներ՝ Նուշիկ Սողոյեան-Առաքելեան
Վեհան Պարսումեան
Զեւաւորող՝ Յովսէփ Զալոյլեան
Գրաշար՝ Անի Թոփալեան-Սարուխան
Արաբերէն լուրերու թարգմանիչ՝ Մարէն Պապեան-Աղայեկեան
Կայքէջի պատասխանատու՝ Աւօ Պողոսեան
Լուրերու պատասխանատու՝ Լուսին Ապաճեան-Զիւլքոջեան
Հաշուապահ՝ Յովիկ Պարսումեան

Երիտասարդական Ուպանեակ

ԱՐԱՐԱՏԸ



Վեհան Դաբուրյան

Շատ փոքր էր երբ անոր Արարատին մասին պատմեցին: Ըսին.
- Այս լեռը մերն է, միշտ մերը եղած է, միշտ մեր դիմացն է, բայց թշնամին գրաւած է գայն, օր մը դուն պիտի ըլլաս գանկկա ազատագրողը:

Այդ տարիքին չհասկցաւ ըսուածը, կը մտածեր. «Ինչպէ՞ս կրնար մեր դիմաց ըլլալ եւ միեւնոյն ժամանակ գրաւուած ըլլալ թշնամիէն»:



Սիրեց Արարատը: Երագեց տեսել գայն անձնապէս: Երբ թուղթ ու մատիտ տային ձեռքը Արարատը կը գծեր, Մասիսներուն մէջտեղը՝ արեւ, իսկ գագաթներուն վրայ՝ եռագոյն:

Տարիներ անցան: Տեսաւ Արարատը: Ուզեց մօտենալ: Փշաթելերը խանգարեցին: Հեռուէն դիտեց Արարատը: Հեռուէն սիրեց գայն... միշտ հեռուէն...

Հիմա ստած իր որդիին՝ Արարատին, հետ հետեւեալը կը պատմէ.

- Այս քաղաքը մերն է, միշտ մերը եղած է, մեր դիմացն է, բայց թշնամին գրաւած է գայն: Օր մը դուն պիտի ըլլաս Շուշի ազատագրողը:

- Արարատն ալ:
- Արարատն ալ...

ՍՊԱՍԵՑԻՆ

- * Երբ ծնաւ, բոլորը սպասեցին ակռահատիկին:
- * Երբ ակռայ հանեց, բոլորը սպասեցին մկրտութեան:
- * Երբ մկրտուեցաւ, բոլորը սպասեցին մանկապարտեզի հանդէսին:
- * Երբ վկայուեցաւ, սպասեցին նախակրթարանի հանդէսին:
- * Այդ ալ ընելէ ետք, սպասեցին միջնակարգի նիշերուն... յաջողեցաւ:
- * Պաքալորիան ալ յաջողեցաւ, համալսարանն ալ աւարտեց:
- * Հիմա բոլորը կը սպասեն նշանուելուն, որ...

որ խօսելու նոր նիւթ ունենան:

ԸՍԻՆ

Այս կողմ եկայ, ըսին այս կողմը մեծերուն է վերապահուած
Այն կողմ գացի, ըսին այն կողմն ալ պաշտօն ունեցողներուն է պահուած
Ետեւ անցայ, ըսին հոս տեղը չէ
Առջեւ գացի, ըսին արդէն ուշացած ես...:

ՈՒՉԵԼ

Բոլորը ուզեցին իրմէ
Բոլորը պահանջեցին
Ըրաւ բոլորին ուզածը
Կատարեց բոլորին պահանջը
Մէկը չհարցուց՝ դո՞ւն ինչ կ'ուզես...:

ԴՊՐՈՒՀԻՆ



Նայիի Ատուրեան-Ճրակեան

Չաւակներու նախնական ուսման տարիներուն ամէն շաբաթ կը թափէի, որ անոնք չբացակային դպրոցէն: Երբ վաղ առաւօտեան անհանգըստանային, ջերմութիւն ունենային, տագնապի կը մատնուէի եւ անմիջապէս դէղ տալով դպրոց կ'ուղարկէի գանկը: «Ինչ կ'ուզէ, թող ըլլայ, միայն թէ չբացակային», ինքզինքս կը համոզէի, որ ներկայութիւնը պարտադիր է դասը լաւապէս ըմբռնելու համար:

Երբեմն «Մամա՛, այսօր ալ չերթամ» ըսելով կ'աղաչէին ալ, բայց այդ մէկը անվիճելի էր: Այնքան կ'ապշէի, երբ լսէի ծնողներ անհեթեթ պատճառաբանութիւններով իրենց գաւակները չեն դրկեր դպրոց: Խորքին մէջ այս տարօրինակ թուող կեցուածքս հակազդեցութիւնն էր մանուկ հասակիս ունեցած մէկ փորձառութեանս:

Նախնական ուսման տարիներուն յաճախակի նշագեղծի բորբոքում կ'ունենայի եւ երբ բացակայէի, դասերս կ'առնէի ամենակրկիկ եւ մաքուր ձեռագիր ունեցող, աշխատասեր դասընկերուիկէս, որ միեւնոյն ատեն կիրթ ու քաղաքավար էր: Երբ իրենց բնակարանը երթայի, գրեթէ ներս չէի մտներ, որովհետեւ ժամանումս կէսօրուան հանգիստի ժամերուն կը գուգադիպէր: Մայրը կը պատուիրէր, որ դուրսը՝ աստիճաններուն վրայ նստիլ տար գիս: Դասընկերուիկս սիրալից կ'օգնէր ինձի, բայց երբեք չէմ յիշեր, որ օր մը կողքս, գետինը, աստիճանին վրայ նստած ըլլար, որովհետեւ մաքրասէր էր եւ չէր ուզէր աղտոտիլ, մայրը չէր արտօներ: Յիշողութեանս մէջ մնացած է դասընկերուիկս, դէմս, ոտքի կանգնած դասերը փոխանցելու ճիգին մէջ: Մինչ մայրը՝ լրջադէմ, ատենը մէկ գլուխը դրան նեղ բացուածքէն կ'երկնցներ, տեսնելու, որ ո՛ւր հասանք:



Ան Աստուածապաշտ դպրուհի մըն էր, խիստ կարգապահ, միեւնոյն ատեն տան անդամներուն հանգիստը ապահովող պարտաճանաչ տնտեսուհի մը: Երբ գինք պատկերացնէմ, առանց շղարշի եւ ուխտի գօտիի չեմ յիշեր: Չեմ յիշեր թէ այդ տարիքիս անգամ այսպէս ինչքան խստութեան համար, որովհետեւ կարգ ու կանոնի չափանիշ մը ունէր, որ կը յարգէի, եւ պէտք էր այդ վիճակը ընդունէի, որքան ալ փոքր ըլլայի, սակայն արժանապատուութիւնս կը թելադրէր ուրիշի օգնութեան դիմելու պարտադրանքին տակ չմտնել...:

Ան Աստուածապաշտ դպրուհի մըն էր, խիստ կարգապահ, միեւնոյն ատեն տան անդամներուն հանգիստը ապահովող պարտաճանաչ տնտեսուհի մը: Երբ գինք պատկերացնէմ, առանց շղարշի եւ ուխտի գօտիի չեմ յիշեր: Չեմ յիշեր թէ այդ տարիքիս անգամ այսպէս ինչքան խստութեան համար, որովհետեւ կարգ ու կանոնի չափանիշ մը ունէր, որ կը յարգէի, եւ պէտք էր այդ վիճակը ընդունէի, որքան ալ փոքր ըլլայի, սակայն արժանապատուութիւնս կը թելադրէր ուրիշի օգնութեան դիմելու պարտադրանքին տակ չմտնել...:

Ան Աստուածապաշտ դպրուհի մըն էր, խիստ կարգապահ, միեւնոյն ատեն տան անդամներուն հանգիստը ապահովող պարտաճանաչ տնտեսուհի մը: Երբ գինք պատկերացնէմ, առանց շղարշի եւ ուխտի գօտիի չեմ յիշեր: Չեմ յիշեր թէ այդ տարիքիս անգամ այսպէս ինչքան խստութեան համար, որովհետեւ կարգ ու կանոնի չափանիշ մը ունէր, որ կը յարգէի, եւ պէտք էր այդ վիճակը ընդունէի, որքան ալ փոքր ըլլայի, սակայն արժանապատուութիւնս կը թելադրէր ուրիշի օգնութեան դիմելու պարտադրանքին տակ չմտնել...:

Այսօր կը հասկնամ, որ զաւակներու բացակայութիւնը կանխելու համար ապրած տագնապներս արդիւնքն էին այդ փորձառութեանս: Փաստօրէն ենթագիտակցութեանս մէջ կար հաւասարութեան բանաձեւ մը. բացակայիլը՝ հաւասար է ուրիշի դիմելուն, ուրիշին դիմելը՝ հաւասար է նուազանալուն:

Արդեօ՞ք այսօր որպէս հաւատացեալներ՝ դպիր-դպրուհիներս, ապաշխարած եմ ըսողներս, Աստուածաշունչի համարները գոց սորվողներս կամ որեւէ վայրի մէջ Աստուծոյ ծառայողներս, որ Զրիստոսի բոլորը կը բուրեցնք. մեզմէ քանի՞ն ճիշդ վարուելակերպի ոսկեայ օրէնքը կը կիրարկէ. «Ուստի ամէն ինչ որ կ'ուզէք որ մարդիկ ձեզի ընեն, դուք ալ անոնց այնպէս ըրէք, քանզի այս է օրէնքը ու մարգարէները» (Մտ 7. 12):

Ճիշդ է, որ այս դէպքը թաղուած էր քառասուն տարի եւ նոր պարզութեան անոր ազդեցութիւնը, ինչն ուրեմն բացի կու տայի...: Չե՞ որ մինչեւ օրս մէկու մը հետ չէի բաժնեկցած, չե՞ որ մինչեւ օրս տպաւորութիւններուս մէջ շատեր օրինակելի, բարեպաշտ անձեր մնացած էին, ինչն ու մղում ունէի պատմելու, յօգուածիս նիւթը դարձնելու այսպիսի դէպքի մը ազդեցութիւնը... այսպէս ես ինձի հարց կու տայի, երբ պատասխանը չուշացաւ. «Վասնզի բան մը չկայ ծածուկ՝ որ պիտի չյայտնուի եւ գաղտուկ՝ որ չգիտցուի: Ուստի ինչ որ մտաւ տեղը ըսիք, անիկա լոյս տեղը պիտի լսուի եւ այն որ ներքին սենեակներու մէջ ականջի խօսեցաք, տանիքներու վրայ պիտի քարոզուի»:

Իրականութիւնը դառն էր, ճշմարտութիւնը՝ անխուսափելի, ուստի եզրակացուցի, որ մարդու երկրաւոր կեանքին ընթացքին գործած բոլոր ծածուկ արարքները ուշ կամ կանուխ պիտի ՅԱՅՏՆՈՒԻՆ ու ՊԱՏՄՈՒԻՆ:

ՊԱՇՏՈՆԵԱՅԻ ԿԱՐԻՔ

Ս. Բառասնից Մանկանց Մայր Եկեղեցին կարիքը ունի հետեւեալ պաշտօնեաներուն.
- Տնտես մայրիկի (շաբաթական դրութեամբ),
- Պահակի (ցերեկային):
Հետաքրքրուողները կրնան դիմել Եկեղեցւոյ քարտուղարութեան հեռաձայնելով հետեւեալ թիւին 2124268:

Ս. Բառասնից Մանկանց Մայր Եկեղեցւոյ Թաղականութիւն

Թուրքիոյ նուրջ

ՌՈՒՄԻԱ ԹՈՒՐԻՈՅ ԿՈՉ ԿՈՒՂԸ ԶԵՐԾ ՄՆԱԼՈՒ ՍՈՒԻՈՅ ԴԵՄ ԶԻՆՈՒՐԱԿԱՆ ԳՈՐԾՈՂՈՒԹԻՒՆ ԻՐԱԿԱՆԱՅՆԵԼ



Սուրիոյ հարցով Ռուսիոյ նախագահի յատուկ ներկայացուցիչ Ալեքսանդր Լաւրենտեւ արձագանգած է Սուրիոյ մէջ Թուրքիոյ հաւանական գիւտուորական գործողութեան:

Ըստ շրջանառուող լուրերու, Թուրքիա կը պատրաստուի Սուրիոյ մէջ գիւտուորական գործողութեան, որ ուղղուած պիտի ըլլայ քրտական ուժերու դէմ:

«Մենք կը կարծենք, որ այդ խելամիտ քայլ չէ, քանի որ կրնայ իրավիճակը ապակայունացնել», ըսած է ան՝ անելցնելով, որ Մոսկուա Անգարային կոչ կ'ուղղէ հրաժարելու այդ քայլէն եւ փորձելու հարցը լուծել քաղաքական միջոցներով:

Գրեթէ նոյնաբովանդակ յայտարարութիւն տարածած է Ռուսիոյ նախագահի մամուլ խօսնակ Տիմիթրի Փետրովը՝ գուշակելով Անգարան, որ այս ամէնը չի նպաստեր Սուրիոյ ապահովութեան եւ կայունութեան:

Պրիսմակետ

ՄԱՐԴԸ ՈՐ ԾԱՌ ԶԵՐ ՏՆԿԵՐ



Մարուշ Երամեան

Որովհետեւ ամեն անգամ որ ծառ տնկեր, ստիպուած կ'ըլլար լքելու իր տունն ու տեղը. իր տնկած ծառերուն շուքն ու պտուղը ուրիշներ կը վայելէին ... որովհետեւ կ'ապրէր Թուրքիոյ տարածքին:

«Թուրքերը, իրենք զիրենք ճանչնալու համար, պարտաւոր են Օշական թարգմանել» կամ «Պարտաւոր են Օշական թարգմանել, կես դար ետքը, ճանչնալու համար իրենց վաւերական կերպարանքը» գրած է Յակոբ Օշական իր «Համապատկեր»-ի 10-րդ հատորին մէջ:

«Օշականի վէպին մէջ թուրքը եթէ ո'չ նոր, գէթ քիչերու ծանօթ գեղի մը կը պատկանի: Եւրոպայն անկէ ոչինչ գիտէ: ... Օշականի բոլոր թուրքերը հիմնովին գերծ են ռոմանթիզմէ, վասնզի թուրքը ինքնին դեռ այդ վիճակին անընդունակ անասունն է» կ'ըսէ Հայր Տաճատ Եարտըմեան:

Թերեւս Յակոբ Օշական միակ հայն էր, որ իրապէ՛ս ծանօթ էր թուրքի կերպարին՝ նախնական, ծայրայեղօրէն բնագոյանի եւ արեան ծարաւ:

Այսօր մենք, որպէս երկիր թէ սփիւռք, նոյնքան չենք ճանչնար թուրքը, որքան թուրքը ինքզինք չէր ճանչնար հարիւր եւ անելի տարիներ առաջ: Այսօր դժբախտաբար շրջուած է վիճակը, այսօր մէ՛նք է որ չենք

ճանչնար թուրքը, մանաւանդ հայրենի ժողովուրդը կամ պետական այրերը, որոնք իրենք զիրենք կը համոզեն «բարի դրացնութեան» քարոզներով:

Թուրքը ճանչնալու լաւագոյն միջոցներն մէկն ալ Ջարդի եւ գաղթականութեան յուշագրութիւններ կարդալն է, որոնց ընթացումը շատ դժուար է թէ՛ւ, բայց շատ կարեւոր: Նման յուշագրութիւններ հրատարակուած են Ջարդին յաջորդող յիսուն տարիներուն ընթացքին: Վերջերս սակայն, Ջարդի սերունդին անհետացումով, այդ հրատարակութիւններն ալ դադարած են:

2013-ին Թուրքիոյ Արաս հրատարակչատունէն լոյս կը տեսնէր Ֆերման Թորոսլարի թրքերէն «Աքսոր» (Surgun) յուշագրութիւնը, որուն ենթախորագիրը կը բացայայտէ անոր բնոյթը՝ «Ապստամբութեան բովէն անցած մութեցի հայ ընտանիք մը»:

2022-ին Երեւանի մէջ «Լուսակն» հրատարակչատունէն լոյս կու գայ նոյն այդ գիրքին հայերէն թարգմանութիւնը, գոր շատ յաջող կերպով կատարած է նախկին հալէպահայ, «Գանձասար» շաբաթաթերթի նախկին խմբագրուի Մարի Մերտիսանեան-Եարալեան:

Այս յուշագրութիւնը ոչ Ջարդի մասին է, ոչ ալ գաղթականութեան, այլ անելի ուշ շրջանի մը յուշագրութիւնն է, «թուրքացման եւ իսլամացման գործընթացներով, որոնք անընդմէջ շարունակուել են նաեւ Թուրքիոյ Հանրապետութեան ամբողջ ընթացքում», ինչպէս կը գրէ «Աքսոր» գիրքի Յառաջաբանին մէջ Մելինէ Անումեանը:

Իրապէ՛ս, մեզի միշտ ալ թուացեր է, որ թրքական բարբարոսութիւնը Ջարդով եւ տեղահանութեամբ վերջ գտած է, բայց իրողութիւնը շատ հեռու է այդպէս ըլլալէ. այս մասին գաղափար կազմելու համար պէտք է իմանալ Թուրքիոյ վերաբնակեցման օրէնքը, 1930-ականներուն սկսած «հայրենակից, թրքերէն խօսի՛ր» լոզունգը, 1937-1938-ի Տերսիմի կոտորածը, Իսթանպուլի յոյներուն արտաքսումը երկրէն, եւ տարբեր տեսակի բազմաթիւ բռնութիւններ, որոնք միակ նպատակը փոքրամասնութիւնները ձուլելն է:

Այս հարցին առաջին անգամ անդրադարձեր է Շնորհի Պտրք. Գալուստեան, 1980 թուականին, խօսելով ծայտեալ եւ կրօնափոխ հայերու մասին, հակառակ անոր որ ազգային հարցերու անդրադառնալը խստիւ արգիլուած էր Թուրքիոյ մէջ:

«Թուրքիոյ պետութեան հետ քաղաքացիական կապով կապուած ամէն ոք թուրք է», այլ խօսքով՝ Թուրքիոյ քաղաքացի թուրք կը համարուի: Միայն այս օրէնքին մասին եթէ մտածենք, պիտի անդրադառնանք թէ իրապէ՛ս կը շարունակուի Թուրքիոյ բարբարոս քաղաքականութիւնը փոքրամասնութիւններու, մանաւանդ հայերու դէմ: Այսքանը խիստ անհրաժեշտ է իմանալ մանաւանդ այսօր, երբ կարգ մը կողմեր բարի դրացնութեան եւ բարեկամական յարաբերութիւններու մասին կը խօսին. անոնց խօսքը կը հաստատէ թէ իրապէ՛ս որքան անգիտակ են թուրք կերպարին եւութեան եւ թէ որքան կոյր են անոր վտանգին:

Բռնի իսլամացումն ու թրքացումը կը շարունակուին մինչեւ օրս, թէ՛ւ հայ մեծ մայրեր ունեցող կարգ մը թուրք գրագետներ սկսած են

Շար.՝ էջ 4

ԵԿԵՂԵՑԻՈՅ ԶԱՆԳԱԿԸ ԿԱՆՉ ՀԱԲԱՏԱՑԵԼՈՅ



Տոքթ. Նորայր Սամեան

Լաթաքիա (արաբերէն՝ Լազքիէ) պատմական Լաւոթիկէ ծովեզերեայ քաղաքն է, որ աշխարհագրական մեծ նշանակութիւն ունի:

Լաթաքիոյ հայ համայնքը սուրիահայ համայնքի կարեւոր մէկ մասն է: Անցեալին Լաթաքիան եղած է Երուսաղէմ ուխտի գացող հայերու միջանկեալ կայան, որ կոչուած է հոգեւոր, գորս տեղացիները «Զետուն ալ-Արման» կը կոչէն:

Ծնած ու հասակ նետած եմ այս քաղաքին մէջ: Եղած եմ ականատեսը հայ առաքելական Ս. Աստուածածին եկեղեցւոյ գանգակատան կառուցման աշխատանքներուն:

Լաթաքիոյ Հայոց հնադարեան եկեղեցին կը գտնուի ճիշտ Յունաց հնադարեան Սուրբ Նիկոլոս եկեղեցւոյ (Մար Նիքոլա) դիմացի մայթին եզերքը: Նոյն թաղամասը կը գտնուի Յունաց Առաջնորդարանը:

Եկեղեցւոյ դիմացը կանգնած է նաեւ Նորակառուց մզկիթ մը, որ նախկինին Նորոգուած տարբերակն է: Մզկիթին վայրը անուանուած է Լաթաքիան գրաւող իսլամ ղեկավար Իպատա պըն Սամեթի անունով:

1960-ին, Լաթաքիոյ Հայոց եկեղեցւոյ հոգեւոր հովին էր Տէր Դանիէլ Զինյ. Գեորգեան, որ փոխարինած էր Հալէպ տեղափոխուած Տէր Վահան Զինյ. Գրիգորեանին: Լաթաքիոյ հայոց եկեղեցին ունէր փոքրիկ գմբէթ մը, փոքր գանգակատուն եւ գանգակ մը: Վերջինները նման էին եկեղեցւոյ դիմացը մինչեւ օրս կանգնող յունաց Սուրբ Նիքոլաուս եկեղեցւոյ գանգակատան եւ գանգակին:

60-ականներուն կ'որոշուի եկեղեցւոյ համար նոր գանգակատուն մը կառուցել:

Այս գործը կը վստահուի լաթաքիացի վարպետ Յարութիւն Տէրմենճեանին, որ ճանչցուած էր որպէս Պէթոնճի Արթին: Կը կառուցուի եկեղեցւոյ գմբէթն ու գանգակատունը եկեղեցւոյ տանիքին վրայ՝ սիմենթով ու երկաթով: Գմբէթը հսկայական տեսք կու տայ եկեղեցւոյ եւ գանգակին ձայնը հասանելի կը դառնայ տասնեակ մէթը շառաւիղով:

Տեղեկ չեմ, թէ ո՛վ էր երկրաչափը, սակայն գիտեմ որ այդ շրջանին շինարարութեան մասնագետներ էին Տիգրան Աբգարեանը, Եղբայրներ Յակոբ եւ Երջանիկ Կարպուշեանները:

Այդ շրջանին Լաթաքիոյ Հայոց թաղական խորհուրդի անդամներն էին. Կարապետ Ուղուրլեան, Հայկազ Մետումեան, Օննիկ Պերպերեան, Նազարեթ Փօլատեան, Պօղոս Փանոսեան «Պօղոս Չաուր», Ռոզբալլա Ասատուր:

Եկեղեցւոյ գանգակը ապսպրելու եւ գնելու համար կը լիազօրուին Տէր Դանիէլ քահանան եւ ազգային գործիչ ու դպրապետ Հայկ Ղազարեանը: Չանգակը կը ձուլուի Պէրոյթ, Լիբանան: Չանգակի պղինձին կը խառնուի անգլիական ոսկի, որպէսզի ձայնը անելի ջիւղ հնչէ: Ապա գանգակը կը բերուի Լաթաքիա եւ կ'ամրացուի գանգակատան պատին մէջ՝ երկու հաստ երկաթեայ կամուրջներու վրայ:

Չանգակը հնչեցնողը պէտք էր յատուկ դիրք բռնէր, որ գանգակին հետ վեր չբարձրանար ու չվատարէր: Եկեղեցւոյ գանգակը 60 տարիներէ ի վեր կը հնչէ ու իր հիասքանչ ոջողանքը կը սփռէ ողջ շրջանի տարածքին:

Ամէն արեւազալին ու արեւմուտքին եկեղեցւոյ գանգակը կը հնչէ ու հաւատացեալները կը իրաւիրէ աղօթքի:

Յուդարկաւորութեան գանգակը կը հնչէ դանդաղ, յատուկ կշռոյթով, Սուրբ Պատարագի մեկնարկին՝ Խորհուրդ խորին շարականին երգեցողութեամբ, որ կ'աւարտի՝ «Թագաւոր երկնաւոր, գեկեղեցի քո անշարժ պահեայ»՝ նախադասութեամբ:

Եկեղեցւոյ գմբէթի խաչը ունէր յատուկ ոճ, քառանկիւն, ապակեայ, մէջը լուսաւոր լամբեր, որոնք անելի երեւելի կը դարձնէին գայն բոլոր ուղղութիւններով:

Եկեղեցին ու գմբէթը քարապատուեցաւ ու օրինուեցաւ Թեմի շինարար Առաջնորդ Գերշ. Տէր Սուրբ Սրբ. Արք. Գաթարոյեանի ձեռամբ: (Տես՝ «Գանձասար» Բացառիկ 2019 Ն.Ս.):

Կէս դար ամբողջութեամբ եկեղեցւոյ ժամկոչն ու դպիրը եղած է Աբրահամ Սարգօն, որ մինչեւ երկրային իր կեանքին վերջը ամենայն հաւատ-

ՇՆՈՐՀԱՆԴԵՍ ՖԵՐՄԱՆ ԹՈՐՈՍԱՐԻ «ԱՔՍՈՐ» ԳԻՐՔԻՆ ՀԱՅԵՐԵՆԻ ԹԱՐԳՄԱՆՈՒԹԵԱՆ

Հինգշաբթի, 9 Յունիս 2022-ի միջօրեի ժամը 2:00-ին, Երեւանի Կոմիտաս շրջանի «Արամ Մանուկեան» կեդրոնի հինգերորդ յարկի Արեւմտահայոց Ուսումնասիրութեան կեդրոնէն ներս տեղի ունեցաւ Ֆերման Թորոսարի «Աքսոր» գիրքին հայերէնի թարգմանուած հատորին շնորհանդէսը: Գիրքը թրջերէնէ արեւմտահայերէնի թարգմանուած էր Մարի Մերտիսեանի:



Գիրքը առաջին անգամ տպագրուած է Իսթանպուլի «Արաս» հրատարակչութեան կողմէն 2013-ին, իսկ թրջերէն տարբերակը շուտով կը վերահրատարակուի 6-րդ անգամ ըլլալով:

Տիգրան Չանտոյեանին բացման խօսքով սկիզբ առած մտերմիկ հաւաքին առաջին խօսք առնողն էր բանասիրական գիտութիւններու դոկտոր Հայկազուն Ավրդեան:



Ան շեշտեց ծանրակշռութիւնը կատարուած գործին, որ յատկապէս լուսարձակի տակ կ'առնէ հայութեան մէկ կարեւոր հատուածը՝ իսլամացած հայերը, որոնք կը շարունակեն ապրիլ արեւմտեան Հայաստանի հողին վրայ եւ որոնք 4-րդ սերունդը իր արմատներու փնտրուողներն են:

«Մարին մի կարելորդ գործի հետամուտ էր այսպիսի մարդկանց յուշագրութիւնը պահպանելու իմաստով: Եւ այս գիրքը պատմութիւնն է մի ամբողջ ընտանիքի, որ դատապարտուել է կորսուելու. Յեղասպանութեան շրջանին իսլամանալով ու թրջացուելով, ժամանակի ընթացքին ամբողջ արեւմտեան Հայաստանի հայութիւնը կը մոռանայ իր ինքնութիւնը, իսկ նրանց մասին բարձրաձայնելը կարելորդ նշանակութիւն ունի ուժեղ Հայաստան ունենալու իմաստով: Մարին ինք լաւապէս հասկացել է այդ եղածի խորքը, որովհետեւ ինք եւս արեւմտահայ է եւ լաւապէս տիրապետած լինելով լեզուին, հարագատորէն փոխանցած է գայն»:

Յաջորդ խօսքը արտասանեց պատմական գիտութիւններու թեկնածու թրջագետ Մելինէ Անումեանը:

Մելինէն արագ թուագրումով յիշեցուց ներկաներուն արեւմտեան հողատարածքը բռնի թրջացնելու գծով թրջական պետութեան որդեգրած օրէնքները Թեմալի օրերուն ու անկէ ետք, մինչեւ մեր օրերը, ունենալու համար միատեսակ թրջախօս ժողովուրդ:

Մելինէն ետք խօսք տրուեցաւ Ֆերմանի գիրքի թարգման Մարի Մերտիսեանին, որ շնորհակալական խօսքէ ետք պատմեց իր ընկեր Ֆերմանին հետ առաջին հանդիպման ընթացքին անոր հնչեցուցած տպաւորիչ խօսքը՝ «Ես ծառ չեմ տնկեր, մեր ցանած բոլոր ծառերուն պտուղները ուրիշները կերան»:

Մարին ամփոփ գիծերով ներկայացուց այդ ընտանիքին ողիսականը, որուն մէջ կը ցոլայ

թրջական քաղաքականութեան մէկ տարբեր երեսը, որ ըստ Եւրօթեան Յեղասպանութեան շարունակութիւնն է: Իր պատմածներէն կարելի է ենթադրել այդ օրերու իսլամացած հայերուն մեծ թիւը:

Հեղինակին կարծիքով «Նոր սերունդը պետք է իմանայ այս բոլորը, որպէսզի պատմութեան



այս երեսը չկրկնուի»:

Մարին շեշտեց թէ «Այս օրերուն թուրքերու հետ յարաբերութեան շղարշին տակ Յեղասպանութեան եւ բռնատիրութեան քաղաքականութիւնն է, որ առաջ կը տարուի»:

Հրապարակախօս, գրող, մտաւորական Սպարտակ Ղարաբաղեան խօսք առնելով յիշե-

ցուց, այն որ միշտ կրկնած էր թարգմանիչին՝ «Պատմութեան այս շեղքը փոշիէն մաքրելու ամենալաւ ձեւն է այս յուշագրութեան թարգմանութիւնը»:



Վերջապէս խօսք տրուեցաւ Արեւմտահայոց Ուսումնասիրման կեդրոնի հիմնադիր Հրանդ Մարգարեանին, որ հարկ համարեց այս օրերուն շատ գործելու անհրաժեշտութիւնը՝ վերականգնելու այն ինչ որ պետք է վերականգնի:

ՄԱՐԻ ՄԵՐՏԻՍԵԱՆԵԱՆԻ ԽՕՍՔԸ ԳԻՐՔԻՆ ԹԱՐԳՄԱՆՈՒԹԵԱՆ ԱՌԻԹՈՎ

Ֆերման անունով ընկեր մը ունիմ, որ ինձմէ բաւական մեծ է: Մարմարայի Էրեղլիսիի իր համեստ ամառանոցին պարտեզին մէջ մէկ հատ իսկ ծառ չկայ: Լուլիկ, պղպեղ, կորեկ, արեւածաղիկ ցաներ է... Հիւրերուն միշտ այդ բանջարեղէններէն կը հիւրասիրէ: Անգամ մը՝ «Ինչո՞ւ մէկ հատիկ ծառ չես տնկած» հարցուցի եւ զղջացի...

«Չեմ տնկեր, բարեկամ», ըսաւ ու շարունակեց. «Մեր պապերը, Աղամ եւ Եւայեւ սկսեալ մինչեւ 1938, ապրած են Պիթիսի Մուրթի (Մոթկան) շրջանի Զերիօ գիւղի Զիթօրօներուն թաղը: 36 տուն էին: Այգիներ եւ պարտեզներ ունէին: 1920-1938-ի միջեւ, Շէյխ Սաիտի ապստամբութեան պատճառով, մէկ կողմէն զինուորներու, միւս կողմէն աւագակներու թիրախն էին: Ամէն տարի մեր գիւղը կը ռմբակոծուէր: Երեւակայէ, որ 1915-ին ջարդի չենթարկուած մեր թաղին մէջ, 1938-ին միայն հայրս եւ մայրս մնացեր էին...»

«Աքսորի տարիներուն ո՛ր որ մնացինք եւ ծառ տնկեցինք, հազիւ պտուղները քաղելու ժամանակը հասած՝ մեզ ուրիշ տեղ դրկեցին: Մեր տնկած ծառերուն պտուղները ուրիշներ վայելեցին: Նոյնիսկ Իսթանպուլի մէջ, երբ ես ինծի համար կրցայ տուն եւ պարտեզ ստեղծել, ծառերուն պտուղները ուրիշները վայելեցին: Այլեւս ծառ չեմ տնկեր»:


Հրանդ Տիկը մօտաւորապէս այսպէս կը պատմէ Ֆերման Թորոսարի հետ իր գրոյցը: Այս կարճ նկարագրութեան մէջ թաքնուած ողբերգութիւն կայ:

Ֆերման Թորոսարին ծանօթացայ 2003-ին, Նիւ Ճրգիի մէջ: 70-ն անց մարդը լռութեամբ ու թաց աչքերով կը հետեւեր սեղանի հայերէն գրոյցին: Յետոյ հերթը եկաւ իրեն եւ պատմեց... Թրջերէնով պատմեց իր մասին: Ու իր պարզ բառերով նկարագրած դէպքերուն ընդմէջէն դիմացս բացուեցաւ թրջական պետական քաղաքականութեան մէկ տարբեր երեսը, որ ըստ Եւրօթեան Յեղասպանութեան շարունակութիւնն է:

Հեղինակին բերած մէկ օրինակը բաւական է հասկնալու համար այդ տարիներուն կրօնափոխ եղած կամ այլապէս կորսուած հայերուն թիւին մասին: Զերիոյի 36 ծնախնէ 20-ը ջարդուած է, 16-ը Անատոլիոյ խորքերը քստորուած եւ միայն 4-ը վերադարձած են իրենց արմատներուն: Եւ կը ծագի բնական հարցումը. ո՞ր են մնացեալը: Ի՞նչ եղան:

Մնացեալի մէկ օրինակը հեղինակի մօրաքոյրն է. Նուրիճան: Ան ընտանիքով քստորուած էր Ամասիա, յետոյ՝ Չորում: Ամասիոյ ճամբուն վրայ ամուսինը կորսնցուցած Նուրիճան, երկու եւ չորս տարեկան դուստրերուն հետ հասած է Չորումի ամենածայրայեղ սիւնի գիւղերէն մէ-

կը՝ Թիքթէ: Հոն կայանած Նուրիճային հոգատարութիւնը քայմաքայմ կարգադրութեամբ յանձնուած է գիւղապետին: Աշխարհէն եւ իր ազգականներու գոյութենէն անտեղեակ Նուրիճան հայկական ինքնութիւնը գաղտնի պահելու համար դարձած է Նուրիճ եւ քանի մը ամիս վերջ՝ գիւղապետին երկրորդ կինը... Գիւղապետը տան տանիքէն վար նետած է երկու տարեկան աղջնակը եւ անպատիժ մնացած...:



միայնակ մնացած ըլլալու եւ միւս դուրստրն ալ չկորսնցնելու վախով ապրող Նուրիճան կազմած է թուրք-իսլամ ընտանիք եւ մինչեւ իր մահը վախցած է իրականութիւնը յայտնելէ: Նոյնիսկ երբ, շատ տարիներ անց, հարագատները գտած ու գաղտնաբար գիրար այցեցած են, միշտ խնդրած է, որ հայ ըլլալու մասին բան չըսեն իր գաւակներուն:

Ոմանք յաջողած են այս երեւոյթին դէմ պայքարիլ, սակայն բաւական ծանր գին վճարելով: Գրքին մէջ պիտի հանդիպինք Ֆերմանի քրոջ՝ Մարիամի նման պատմութեան, որ ստիպուած ամուսնացած է իրմէ գրեթէ 40 տարի մեծ հայու մը հետ: Ինչո՞ւ: Պատասխանը հեղինակը վերջերս մանրամասնեց. «Հայրս լաւ կը գիտակցէր, որ եթէ քոյրս քիւրտ կամ թուրքի հետ ամուսնանար՝ ուրեմն մենք ալ պիտի իսլամանայինք, որովհետեւ պիտի չուզէինք, որ մեր ընտանիքը մասնատուուի: Այդպէս եղած է բազմաթիւ ընտանիքներու պարագան: Հայրս չէր ուզէր, որ մենք այդ ճակատագիրը ունենանք»:

Քանի՞ հայ ընտանիք այսպէս կորսուած է: Այս մասին ուսումնասիրութիւններ կա՞ն: Չեմ գիտեր: Մասնագետները ատելի լաւ կ'իմանան: Բայց գիտեմ, որ արդէն չափազանց դժուար աշխատանք է:

Ինչո՞ւ այս թեման կարելորդ է: Հեղինակին խօսքերով՝ «Նոր սերունդը պետք է հասկնայ այս բոլորը, որպէսզի պատմութեան այդ երեսը չկրկնուի»:

Աւելցնեմ, որ Ֆերման հիմա իր վրեժը կը լուծէ, կարծեք: Մակնտոնին «Եան»-ը վերականգնել է: Աւելի կարելորդ. Նիւ Ճրգիի իր տան պարտե-

ՄԵԾՆ ՆԵՐՍԵՍ...

♥ Սկիզբ՝ էջ 12

Տեր Կոմիտաս անդրադարձավ Յայ Ծերանոցը կանգուն պահող նուիրեալ անձերուն, հնամակայութեան եւ Տնօրէն Աւօ Գաթրճեանի ժրաջան աշխատանքներուն, ինչպէս նաեւ բարերարներ, որոնք Մեծն Ներսէսի օրինակին հետեւելով նեցուկ կը կանգնին մարդասիրական այս օճախին:

Յայ Ծերանոցի ինամակայութեան խօսքը արտասանեց ինամակայութեան ատենապետ Արժ. Տ. Խորէն քհնյ. Պերթզլեան: Ան փառք տուաւ Աստուծոյ, որ առիթ ընծայեց համախմբուելու Մեծն Ներսէս Յայրապետի տօնին նուիրուած հացկերոյթին առիթով:

Քահանայ Յայրը յայտնեց, որ հակառակ բոլոր դժուարութիւններուն, որոնք ապրեցանք պատերազմի տարիներուն, նաեւ կ'ապրինք մինչեւ օրս՝ յոյսով, լաւատեսութեամբ եւ ծառայութեամբ Յայ Ծերանոցը կը շարունակէ իր առաքելութիւնը՝ անցեալի իրագործումներով եւ ներկայ մարտահրաւերներով, շնորհիւ՝ Աստուծոյ օրհնութեան, երեք հոգեւոր պետերու հովանաւորութեան, տնօրէնի, ինամակայութեան, տիկնանց օժանդակ յանձնախումբին աշխատանքով եւ բարերարներու մասնակցութեան:

«Յայ Ծերանոցը կը շարունակէ իր առաքելութիւնը եւ կը գոյատեւէ Աստուծոյ օրհնութեամբ եւ ձեր շնորհիւ, սիրելի՛ հաւատացեալներ, դուք, որ հաւատքը գործով կ'արտայայտէք, սերը ճշմարտութեամբ կը թարգմանէք եւ ձեր առօրեայ կեանքին մէջ մշտապէս գործօն ներկայութեամբ ցոյց կու տաք, թէ Յայ Ծերանոցը ձեր կեանքին մէջ կեդրոնական տեղ ունի», աւելցուց Տեր Խորէն:

Յայ Ծերանոցի տնօրէն Աւօ Գաթրճեան, Յայ Ծերանոցի 100-ամեակին ընդառաջ ներկայացուց Ծերանոցի միամտայ գործունեութեան համառօտ տեղեկագիրը՝ զեկուցելով Յայ Ծերանոցէն ներս տարուած ինամատարական եւ ծառայողական աշխատանքներուն, յարաբերական եւ եկեղեցական կեանքին, տեղի ունեցած այցելութիւններուն, ազգային-եկեղեցական տօնակատարութիւններուն եւ օժանդակութիւններուն մասին:

Ան երախտագիտական եւ շնորհակալական խօսք ուղղեց երկրի Վսեմաշուք Նախագահ տոքթ. Պաշտարալ-Ասատին եւ Առաջին Տիկին՝ Ասմա ալ-Ասատին, Յայ Ծերանոցին հանդէպ իրենց մշտական հոգատարութեան համար: Ան շնոր-

հակալութիւն յայտնեց հայ երեք համայնքապետներուն, որոնք յորդորներով ու նիւթական յատկացումներով կանգուն կը պահեն Յայ Ծերանոցը: Ան շնորհակալութիւն յայտնեց Յայ Ծերանոցի մէջ Արտակարգ եւ Լիազօր Դեսպան Տիգրան Գեորգեանին, Յայ Կաթողիկոսի Գլխաւոր Յիւպատոսութեան Խորհրդական Բարգէն Պատալեանին, Յայ Գիւմրի, Մարդասիրական Առաքելութեան Խումբի ղեկավար գնդապետ Արկատի Տօնոյեանին եւ խումբի անձնակազմին, Ծերանոցի հնամակայութեան, Տիկնանց Օժանդակ յանձնախումբին, հայ ժողովուրդի հեռաւոր եւ մերձաւոր կազմակերպութիւններուն, եկեղեցիներուն, բարեսիրական, մարզական, մշակութային, հայրենակցական եւ այլ հաստատութիւններու եւ անհատ ու անառն բարերարներուն եւ ներկաներուն, որոնք սատարած են Յայ Ծերանոցի գոյութեան:

Յայ Կաթողիկոսի Կարօ Պերեճիլեան ժողովուրդային եւ հայրենասիրական երգերով ճոխացուց մթնոլորտը:

Յայ Ծերանոցի մարդասիրական գործունեութիւնը քաջալերելով, կատարուեցան նուիրատուութիւններ:

Երեք Համայնքապետներուն անունով խօսք արտասանեց Սուրբ Յայ Աւետարանական Համայնքի Համայնքապետ Վերապատուելի Դոկտ. Յարութիւն Սելիմեան, որ անդրադառնալով Յայոց Տեղասպանութենէն ճողոպրած որբերուն, յայտնեց թէ «Յայ Կաթողիկոսի մեր գոյութիւնը մենք արդարօրէն կը վերագրենք այդ օրերու որբերու եւ չափահասներու ընտանիք կազմելու վճռակամութեան»: Ան յայտնեց, որ մեր աչքի լոյսին պէս կը ինամենք Յայ Ծերանոցը, որուն շուրջ առանց խտրականութեան կը համախմբուի հայ ժողովուրդը իր բոլոր բաժիններով:

«Մենք պէտք է արդար դեսպաններ դառնանք Յայ Ծերանոցի՝ մերձաւոր եւ հեռաւոր բոլոր տեսակի կազմակերպութիւններու եւ միութենական մարմիններու մօտ եւ մեր դեսպանութեան առաքելութեան մէջ նկատի ունենանք օղակաւորելու պարտաւորութիւնը, որպէս զի Յայ Ծերանոցը կարենայ այսօր իր պարտականութեան վրայ կանգնի», հաստատեց Վերապատուելի:

Ան շնորհակալական խօսք ուղղեց բարերար անհատներուն, կազմակերպութիւններուն, համայնքներուն եւ բոլոր բարերարներուն, այստեղ եւ այլուր, որոնք իրենց լաւագոյնը կը շարունակեն տալ, մնայուն կերպով իրենց ուշադրութեան կիզակետը դարձնելով Յայ Ծերանոցը:

ԵԿԵՂԵՑԻՈՅ...

♥ Սկիզբ՝ էջ 7

քով ու նուիրումով գործած է:

Քսան տարիներէ ի վեր եկեղեցւոյ ժամկոչն է Փօլ Ծաուրիօս, որ նաեւ ուրարակիր դպիր է եւ միեւնոյն հաւատքով ու նուիրումով կը կատարէ ժամկոչի իր պարտականութիւնը:

Գերշ. Տ. Շահան Ս. Արք. Սարգիսեանի առաջնորդութեան շրջանին եկեղեցւոյ գմբէթի նոր ու ծաղկեալ խաչը օրհնուեցաւ ու գետեղուեցաւ գմբէթին:

Այսօր, Լաթաքիոյ Յայոց Սուրբ Աստուածածին եկեղեցին, Առաջնորդութեամբ Բերիոյ Թեմի Բարեջան Առաջնորդ Գերշ. Տ. Մասիս Եպս. Չօպուեանի եւ հոգեւոր հովիւ Տեր Վազգէն Քհնյ. Քեօշկերեանի, կը շարունակէ ինչեցնել Յայաստանեայց Առաքելական եկեղեցւոյ գանգը ու անմար կը պահէ Լուսաւորիչի կանթոնը:

Յայոց մեծն բանաստեղծ Յովհաննէս Թումանեան կը գրէ.

Կես գիշերին կանթոնը վառ
Կախ է ընկած երկընքից,
Լուսաւորիչի կանթոնը անմար,
Յայոց մըթնած երկընքից:
Նա Կտեսնի էն մըշտավառ
Տախր կախուած երկընքից,
Անտ Աստուծոյ աչքը պայծառ
Յսկում է ցած երկընքից:

ՄԱՐԻ ՄԵՐՏԻՆԱՎԵՆԵՆԻ...

♥ Սկիզբ՝ էջ 8

զին մէջ հիմա անհամար ծառեր կան: Մրգատու ծառեր... Կան նաեւ Սասունէն գաղտնաբար բերած կիկիլները, լոբին եւ ինչէ՛ր ու ինչէ՛ր...

Այս օրերուն, երբ թուրքի հետ բարեկամութեան ու հաշտ ապրելու հեքիաթներ կը հիւսուին, մեզի համար չափազանց կարեւոր է հասկնալ, որ խաղաղութեան այդ շղարշին տակ շարունակուող հայրենագրում եւ Տեղասպանութեան կայ թաքնուած...

Խօսքս կը փափաքիմ վերջաց-

նել յատուկ շնորհակալութիւն յայտնելով հեղինակին, որ այս գրքի թարգմանութիւնը ինծի վստահեցաւ:

Արեւմտահայոց Յարցերու ուսումնասիրութեան կեդրոնին՝ ցուցաբերած աջակցութեան համար:

Բանասիրական գիտութիւններու դոկտոր Յայկազուն Ավոյցեանին եւ Պատմական գիտութիւններու թեկնածու, թրքագետ Մելինէ Անումեանին: Կարճ Նօթ մը. Նոյնիսկ եթէ գիրքը ամբողջութեամբ չկարդաք, շատ պիտի խնդրեմ որ պրն. Ավոյցեանին եւ տիկ. Անումեանին խօսքերը անպայման կարդաք:

Ամառնային արձակուրդին կրնանք խաղալ, զուարճանալ, ճամբորդել նաեւ գիտութեամբ հարստանալ:

ԳԻՏԵՆԻՔԸ ՈՒՇ Է
Խորագրով

ՀԱՅԿԱԿԱՆ ԳԻՏԵՆԻՔՆԵՐՈՒ ԱՌՅԱՆՑ ԴԱՄԸՆԹԱՅՔ

8-12 տարեկաններու համար:
Արձանագրութիւնը կը սկսի փարեթիփս 15 Յունիսին եւ կ'աւարտի 1 Յուլիսին:

ՅԱՅ Կ Ա Կ Ա Ն Գ Ի Տ Ե Լ Ի Ք Ն Ե Ր

Արձանագրութեան կամ այլ մանրամասնութիւններու համար դիմել whatsapp 00963933961138:

ՊԱՇՏՕՆԵԱՅԻ ԿԱՐԻՔ

Բերիոյ Յայոց Թեմի Կալուածոց Հոգաբարձութիւնը կարիքը ունի Ազգ. Գերեզմանատունէն ներս աշխատող միջին տարիքի պաշտօնէակի: Աշխատանքի ժամերն են երկուշաբթի օրուցն մինչեւ Ծաբաթ, առաւօտեան ժամը 9:00-էն մինչեւ յետմիջօրէի ժամը 3:00:

Թեկնածուները իրենց դիմումագիրները պարտին ներկայացնել Ազգ. Առաջնորդարանի Կալուածոց գրասենեակի քարտուղարութեան: Յաւելելով մանրամասնութեան համար դիմել հետեւեալ հեռաձայնի թիւերուն՝ 2122756 - 2122758:

Բերիոյ Յայոց Թեմի Կալուածոց Հոգաբարձութիւն

ԻՆՉ Կ'ԸՍԵՆ ԱՍՏՂԵՐԸ

- 

ԽՈՅ
Յոգնեցուցիչ շաբթուան ամարտին կարիքը ունիք կարճատեւ արձակուրդի: Բարեկամներու հետ պտոյտ մը կազմակերպեցէ՛ք:
- 

ՑՈՒԼ
Իրատես եղէ՛ք ու մի՛ տարուիք անիրականանալի երազներով: Փորձեցէ՛ք ձեր շրջապատին հետ աւելի հանգիստ վերաբերիլ, կատարեալ անձ չկայ:
- 

ԵՐԿՈՒՐԵԱԿ
Յին ծանօթի մը հետ հանդիպում մը պիտի ունենաք, յուշեր պիտի վերակենդանանան ու Նոր ծանօթութիւններու պիտի նախաձեռնէք:
- 

ԽԵՑՉԵՏԻՆ
Նախաձեռնող եղէ՛ք: Ձեր գործընկերներուն հետ քննարկեցէ՛ք Նոր գաղափարներ ու ծրագիրներ:
- 

ԱՌԻՇ
Միօրինակութենէ դուրս գալու համար հաղորդ եղէ՛ք Նորարար մարդոց հետ ու ձերբազատեցէ՛ք նախապաշարումներ:
- 

ԿՈՅԱ
Ուշադրութիւն դարձուցէ՛ք ձեր զգացումներուն: Անիմաստ բաներու պատճառով մի՛ սրտնեղիք: Միօրը եւ յարգանքի ապրումները արտայայտելով կ'ամրապնդուին յարաբերութիւնները:
- 

ԿԵՈՋ
Բարեկամի մը հետ սրտբաց զրուցելու անհրաժեշտութիւն կը զգաք: Մի՛ վարակիք մօտիկի մը դիմելէ, որովհետեւ անպայման կան ընկերներ:
- 


ԿԱՐԻՃ
Եթէ քաղաքական կամ արուեստի ասպարեզին մէջ աշխատող էք, պիտի գարմացնէք ձեր շինիչ գաղափարներով, որոնք պիտի ընդունուին ձեր շրջապատին կողմէ:
- 

ԱՂԵՂԱՒՈՐ
Նկատելի կերպով պիտի բարելաւուին ձեր պայմանները, համբերութեամբ, հետեւողականութեամբ եւ ինքնավստահութեամբ Նոր նուաճումներ պիտի արձանագրէք:
- 

ԱՅՇԵՂԶԻՐ
Թեւ տվորաբար կազմակերպուած կ'աշխատիք, բայց այս շաբաթ իջ մը տակուսվոյրայ ու անկանոն առօրեայ պիտի ունենաք՝ դժուարանալով գործերը իրենց լրումին հասցնել:
- 

ՋՐՅՈՍ
Ճիշդ է, որ ուրիշներու կարծիքը շինիչ կրնայ ըլլալ, սակայն այս շաբաթ ձեր որոշումը թող հիմնուի միայն ձեր համոզումներուն վրայ: Լաւ մտածեցէ՛ք, ապա որոշեցէ՛ք եւ գործեցէ՛ք:
- 

ՋՈՒԿ
Միօրային հանդիպումներու, անկեղծ խոստովանութիւններու յարմար շաբաթ է: Սերը պիտի լեցնէ ձեր հոգին, եւ գուրգուրանք պիտի տա՝ ձեր սիրեցեալին նկատմամբ:



Անահիտ Գօղոսեան-Տարաքճեան

ՀՈԳԵԿԱՆ ՀԻՄՆԱԴՈՒԹԻՒՆՆԵՐ, ՈՐՈՆՔ ԿԸ ԶՈՂԱՐԿՈՒԻՆ ԲՆԱԴՐՈՒԹԵԱՆ ՍՈՎՈՐԱԿԱՆ ԳԻԾԵՐՈՒ ՏԱԿ

Ընդհանրապէս մարդոց քայլերն ու արարքները կը վերագրենք անոնց բնաւորութեան: Բայց այդ բոլորին տակ թաքնուած իրողութիւններ կան:

Ամերիկացի հոգեբաններ Ահարոն Փեյ ու Արթուր Ֆրիմըն բացայայտած են մարդկային խառնուածքի կարգ մը գաղտնիքներ:

Հիմնուելով գիտական աշխատանքի վրայ, անոնք ուղեցոյց պատրաստած են մարդկային բնաւորութեան 10 գիծերու մասին, որոնք հոգեբանական հարցերու ախտանշաններ են եւ կրնան հարցեր յառաջացնել, եթէ հսկողութեան ենթակայ չդառնան:

Յիշենք բնաւորութեան բացասական քանի մը գիծեր.

1- Անբարեխղճութիւն

Այս խումբին կը պատկանին բոլոր այն մարդիկ, որոնք կը ձգտին շատ հանգստանալ եւ քիչ աշխատիլ: Օրինակ, եթէ ընկերութեան մը աշխատակիցը տարուան ընթացքին քանի մը անգամ բացակայած է հիւանդութեան պատճառով, քանի մը անգամ արձակուրդ վերցուցած է, ոչ բնաւոր բացակայութիւններ ունի եւ այս բոլորին կողքին ամէն օր կ'ուշանայ իր աշխատանքէն, հոգեբանը անոր մօտ հոգեբանական հարցի մը գոյութիւնը կը նշմարէ:



Նման մարդիկ յաճախակիօրէն սուտ խօսելու վարժութիւն, ուրիշին հաշուոյն ապրելու հակում ունին, աշխատանքէ յաճախ կը փախչին՝ առանց արդարացումի եւ յաճախ իրենց վաստկած գումարները կը վատնեն անտեղի գնումներով:

Նման մարդիկ հարկ է, որ կառավարեն ու բարելաւեն իրենց բնաւորութեան այս գիծը հոգեբանի աջակցութեամբ:

2- Ամէկոտութիւն

Ամէկոտութիւնը ժամանակի ընթացքին կրնայ աճիլ եւ կատարեալ մեկուսացման հասցնել անհատը՝ արտաքին աշխարհին հետ անոր կապերը խզելով:

Այսպիսի հոգեկան հարց ունեցող մարդիկ կը փորձեն սահմանափակել իրենց յարաբերութիւնները եւ հեռակայ դրութեամբ աշխատանք կը նախընտրեն, որպէսզի շփումներ չունենան մարդոց հետ:

Այս հիւանդութիւնը կարելի է կանխել տարբեր ձեւերով, ինչպէս օրինակ խմբային գործունեութիւններու, դասընթացներու մասնակցութեամբ:

3- Չզգճումի հակում

Այսպիսի ախտով տառապողները գործերը տեսարար յետաձգելու սովորութիւն ունին:

Գործերը յետաձգելու հոգեվիճակը դուռ կը բանայ այլ վիճակներու, ինչպէս օրինակ զրգառուածութեան, բարկացկոտութեան եւ այլն:

Նման վիճակներ կը բուժուին հոգեբանական խաղերով, երբ տուեալ անձերուն պարտականութիւն կը տրուի Նոյն վիճակի մէջ եղող անհատներու հետ գործ ունենալ, որպէսզի իրենց միտքին վրայ զգան իրենց վարքին հետեւանքն ու սրբագրեն գայն:

4- Սաստիկ բարկութիւն

Եթէ անհատը չի կրնար զսպել իր բարկութիւնը, ուրեմն ունի հոգեբանական հարց: Այս հարցին ախտանշաններն են համարուին ընկերային եւ սիրային կապերու բացակայութիւնը, անզգոյշ մեքենայ վարելը, տրամադրութեան կտրուկ փոփոխութիւնները եւ այլն:

Նման անհատներու խորհուրդ կը տրուի բարկութիւնը կառավարելու հոգեբանական դասընթացներու յաճախել: Արդիւնքը անպայման նկատելի կը դառնայ անոր վարքին ընդմէջէն:

ՀԱՅԿԱԿԱՆ ԺՈՂՈՎՈՂԱՅԻՆ ԱՌԱՏՆԵՐ

Առած-ասացումները բանասիրական ամենատարածուն խօսքերն են կը համարուին: Անոնք փոքր նախադասութիւններ կը բաղկանան եւ կ'արտայայտեն ժողովուրդին մտածելակերպն ու աշխարհայեացքը: Առածները ընդհանրապէս փոխաբերական խօսքեր են, իսկ ասացումները անմիջականօրէն կ'արտայայտեն որեւէ միտք կամ խրատ:

- Ըստ ո՞վ է ընկերդ, ըստ ո՞վ ես դուն:
- Աղամանդը ցեխին մէջ ալ իր արժէքը չի կորսնցներ:
- Աղքատը եթէ գողութեան ելլէ, լուսնկան կանուխ կը ծագի:
- Ամէն ծաղիկ բոյր չ'ունենար:
- Ամէն ծառ իր պտուղէն կը ճակչցուի:
- Ամէն նուագի տակ չես պարեր:





Ռաֆֆի Սիլահեան

ՏԵՂԱԿԱՆ

ԼՈՒՐԵՐ ՍՈՒՐԻՈՅ ՄԱՐԶԱԿԱՆ ԿԵԱՆՔԷՆ

- Հալեպի Համատանիէ մարզադաշտին վրայ Հալեպի Իթթիհատը երկու անգամ յաջողեցաւ պարտութեան մատնել Բարսէլոնայի փուլի մրցակից Բարսէլոնային, Իթթիհատ յաղթեց 73-56 արդիւնքով, իսկ երկրորդ հանդիպումը վերջ գտաւ 79-73 արդիւնքով:



- ՀՄԸՄ-ի աղջկանց խումբի խաղացող Սոնիա Չամսաքեան մաս կազմեց Սուրիոյ U-16-ի վերջնական կազմին, որ իր մասնակցութիւնը պիտի բերէ Ասիոյ մրցաշարքին: Հաւաքականը 11-22 Յունիս 2022-ին Դամասկոսի մէջ պիտի կատարէ ուսումնամարզական հաւաք:

ՄԻՋԱԶԳԱՅԻՆ

ՊԵՅՐՈՒԹ ՊԱՍՔԵԹԻ ԽՈՒՄԲԸ ԼԻԲԱՆԱՆԻ ԱԵՆՈՅԵԱՆ ԴԱՐՁԱՎ

Անցեալ շաբթուան ընթացքին Լիբանանի մէջ տեղի ունեցաւ պասքեթի ուղող ախոյեանութեան Բարսէլոնայի փուլը, որուն ընթացքին մրցակից դարձան Պէյրուսը եւ Ռիատի խումբերը: Սոյն կազմերը իրարու հետ մրցեցան 7 անգամ: Իւրաքանչիւրը երեք յաղթանակ արձանագրեց, ապա Ուրբաթ երեկոյեան անոնք կատարեցին ճակատագրական մրցում մը, որ Բարսէլոնայի հասաւ ի նպաստ Պէյրուս խումբին՝ 79-62 արդիւնքով:

Աւելցնենք, որ Լիբանանի պատմութեան մէջ Պէյրուսը ինկեքորդ խումբն է, որ ձեռք կը ձգէ Լիբանանի ախոյեանութիւնը: Այս տիտղոսին նախապես տիրացած են Ռիատի, Շանվիլ, Յըքմէ եւ ՀՄԸՄ խումբերը:



ՉԻՏԱՆ ՊԻՏԻ ԴԱՌՆԱՅ ԱԵՆԱՐԿԻ ԱՄԵՆԵՆ ԲԱՐՁՐ ՎԱՐՁՔ ՍՏԱՅՈՂ ՄԱՐԶԻՉԸ

Ըստ Mundo Deportivo-ի, Սպանիոյ Ռեալ Մատրիտի նախկին գլխաւոր մարզիչ Չէնստոնին Չիտան այս ամիս պիտի սկսի գլխաւորել Ֆրանսայի ախոյեան Փարիզ Սան Ժերման խումբը, որպէս մարզիչ ստորագրելով երեք տարուան պայմանագրութիւն: 49-ամեայ ֆրանսացի մասնագետը պիտի փոխարինէ արժանիքի Մաուրիսիո Պոչետինոյին եւ պիտի դառնայ աշխարհի ամենաբարձր վարձատրուող մարզիչը: Չիտանի տարեկան աշխատավարձը կը կազմէ 25 միլիոն եւրո:



ՓՍԺ-ն համաձայնած է նաեւ Չիտանին տալ ակումբի եւ Ֆրանսայի հաւաքականի գլխաւոր մարզիչի աշխատանքը համատեղելու կարելիութիւնը, եթէ այս տարի Բարսէլոնայի մէջ կայանալիք աշխարհի ախոյեանութենէն ետք ան ստանայ այդպիսի առաջարկ մը Ֆրանսայի ֆութպոլի դաշնութենէն:

ՍՈՏՐԻՉ ԵՐԿԱՐԱԶԳԵՑ ԻՐ ՊԱՅՄԱՆԱԳՐՈՒԹԻՒՆԸ

Սպանիոյ ախոյեան Ռեալ Մատրիտի վարչակազմը վերանորոգեց խումբի կիսապաշտպան խաղացող Լուքա Մոտրիչի հետ իր պայմանագրութիւնը մինչեւ 2023: Դիմատետրի էջով ակումբի մամուլի գրասենեակը յայտարարեց նոր պայմանագրութեան լուրը, յայտնելով որ Մոտրիչ թագաւորական խումբին հետ պիտի մնայ մինչեւ 30 Յունիս 2023:



ԽԱԶԲԱՌ (ՄԽ 394)

Պատրաստեց՝ Մարինա ԶիլԱբօշեան-Պօղիկեան

	1	2	3	4	5	6	7	8	9	10	11	12
1						■						■
2		■			■			■				
3										■		■
4						■						
5			■					■				
6	■											
7			■		■							■
8							■			■		
9	■			■								
10					■		■				■	■
11		■				■					■	
12									■			

Հորիզոնական

- Եռանկիւն առագաստով միակայմ նաւ: Այծեամ:
- Տառի մը անունը: Հակառակ՝ թատերական գործողութեան բաժանում:
- Դռնապան:
- Ծառի բունին ստորին մասը: Յանդիման: Հակառակ՝ 37:
- Հակառակ՝ աղբիւր: Հակառակ՝ յատակը մնացող ցեխ: Իգական անուն:
- Անդրանիկին նուիրուած «Իբրեւ արծիւ սաւառնում ես չեռ ու ժայռ» երգին հեղինակը:
- Ձայնանիշ: Ծարք:
- Քրիստոնէական եկեղեցւոյ մեծագոյն սուրբերէն, որ հաւատարիմ մնաց Նիկիական Հանգանակին: 5060: Յարաբերական դերանուն:
- Բայական լծորդութիւն: Հակառակ՝ տարի: Կրկնուած ձայնաւորներ: Տառի մը անունը:
- Ագռաւի ձայն: Հակառակ՝ աչք: Հակառակ՝ կաթիլ:
- Տառի մը անունը:
- Արեգակնային համակարգի ամենափոքր եւ արեգակին ամենամօտ մոլորակը: Ձայնանիշ:


Ուղղահայեաց

- Կճղակ: Ձայնանիշ: Ուռնակ:
- Արագ թռչող:
- Մատաղ, մատղաշ: Մուհամմետի փեսան:
- Հակառակ՝ բուժիչ յատկութիւններով հարուստ պտուղ:
- Երոպական երկիր: Տարի: Յուցական դերանուն:
- Հակառակ՝ անձնական դերանուն: Ձայնանիշ: Որոշուած գին:
- Ամուր: Իրերայաջորդ տառեր: Հաստատական պատասխան:
- Նշանաւոր որկրամուկ:
- Փոս: Ասացուածքը կ'ըսէ. «..... տաք-տաք կը ծեծեն»:
- Հակառակ՝ տարածքի միաւոր: Արական անուն: Հակառակ՝ կռնակի ոսկոր:
- «Արեան ճանապարհով» գիրքին հեղինակը:
- Վանայ լիճի կղզիներէն: Հակառակ՝ առարկայ: Լեզուով մը՝ այո:

ԽԱԶԲԱՌ (ՄԽ 393)

	1	2	3	4	5	6	7	8	9	10	11	12
1	ա	ն	ձ	բ	կ	ւ	է	ն	կ	ա	ն	ւ
2	ա	բ	ի	բ	ն	կ	բ	ա	ն	ւ	զ	
3												
4	ա	ն	բ	ա	ս	ի	բ					
5	բ											
6	ա	ն	յ	ա	զ	զ	ա	ն	կ	ֆ		
7	մ	ա	ն	ւ	զ	ի	կ	ա	բ	ա		
8												
9	կ	ն	բ									
10	ն	ա										
11	ց	ն	ն	ա	ւ	ն	ն	ա				
12	ա	բ	ա	ց	ի							

ԼՈՒՐԵՐ



ԱԶԳ. ՄԻԱՅԵԱԼ ՎԱՐԺԱՐԱՆԻ 2021-2022 ՏԱՐԵՆՐԶԱՆԻ ՀՐԱԺԵՇՏԻ ՀԱՆԴԻՍՈՒԹԻՒՆ

Մեզի՝ շրջանաւարտներու համար տպաւորիչ էր Ազգ. Միացեալ վարժարանի 2021-2022 տարեշրջանի ամավերջի հանդէսը, որովհետեւ վերջին գանգը պիտի հնչէր ու մենք ցտեսութիւն պիտի ըսէինք մեր սիրելի վարժարանին եւ ուսուցիչներուն ու տնօրէնութեան:

Թուականը որոշուած էր՝ Կիրակի 5 Յունիս 2022-ի երեկոյեան ժամը 6:00-ին, «Գ. Եսայեան» սրահ:

Սրահը լեցուած էր մեր ծնողներով, հարազատներով եւ բարեկամ-

շրջանաւարտներուն վարժարան մուտք գործելու առաջին քայլերը, ուսումնական տարեշրջանի դժուար պայմանները եւ նոր ձեռքբերումներու ու նուաճումներու համար տքնաջան աշխատանքը, ապա շնորհաւորելով շրջանաւարտները կեանքի մեր ուսումնական նոր փուլին համար մաղթեց, որ մեր երկնակամարը ըլլայ պայծառ եւ մեր յաջողութիւնները ըլլան փայլուն ու լուսաւոր:

Եկաւ հանդիսութեան ամենէն



ներով, ինչպէս նաեւ պաշտօնական հիւրերով:

Բացման խօսք արտասանեց Ազգ. Միացեալ վարժարանի 2. կարգի հայերէնաւանդ ուսուցչուհի Մարալ Ապլաքեան: Տիկին Մարալ ըսաւ, որ հանդիսութեան գեղարուեստական յայտագիրին ընդմէջէն

հետաքրքրական պահը եւ հաստատագիրներու բաշխման համար բեմ հրաւիրուեցաւ Հոգ. Հայր Մանուկ Աբղ. Պարիխանեան:

Հոգեշնորհի հայր Մանուկին եւ տնօրէնուհիին ձեռամբ շրջանաւարտները ստացան իրենց վեց տարիներու ուսումնական ծրագրի



աշակերտները պիտի գովերգեն հայուն ազատատենչ պայքարին ու գոյատեւման ոգին, ապա շնորհաւորեց շրջանաւարտները, մաղթելով, որ անոնցմէ իւրաքանչիւրը շարունակէ իր ուսումնակրթական երթը եւ դառնայ մեր ազգին ու համայնքին պատիւ բերող անդամ:

Հանդիսութեան բեմավարն էր հայերէնաւանդ ուսուցչուհի Նուշիկ Սողոյեան-Առաքելեան: Յայտագիրը կ'ընդգրկէր վեց հայերէն եւ արաբերէն հայրենասիրական երգեր, չորս քերթուածներ՝ «Եռագոյնը Շուշուայ Բերդին», «Դարերու Վրէժ», «Ալ-Շահիտ» եւ «Ուաթանի»: Ինչպէս նաեւ հայկական պար՝ «Եարիսուշտա»:

Տնօրէնութեան խօսքը արտասանեց Ազգ. Միացեալ վարժարանի տնօրէնուհի Զեփիւռ Ռէիսեան: Ան իր խօսքին մէջ ներկայացուց

աւարտման հաստատագիրները:

Աւարտին հայր Մանուկ եզրափակիչ իր խօսքին մէջ յիշեց, որ յաջողութիւնը ձեռքբերում կը նկատուի եթէ շարունակուի եւ արդիւնաւորուի, յաջողութիւնը կը դադորի յաջողութիւն ըլլալէ, եթէ անձը չյարատենէ եւ չշարունակէ իր սկսած ճամբան: Հայր Սուրբը յարատեւ յաջողութիւն մաղթեց մեզի՝ շրջանաւարտներու, ապա Սրբագան Հօր բարեմաղթութիւնները փոխանցեց ու շնորհաւորեց բոլոր ծնողներն ու ուսուցիչները, ինչպէս նաեւ շրջանաւարտները:

Յիշենք, որ երգչախումբի գեղ. ղեկավարն էր դաշնակահար Շողեր Օհանեան-Քաղբէճեան, իսկ պարուսոյցը՝ Զարմէն Էֆէեան:

Շրջանաւարտ Աւետիս Չիլաբօջեան

ՄԵԾՆ ՆԵՐՍԵՍ ՀԱՅՐԱՊԵՏԻ ՏՕՆԻՆ ԱՌԻԹՈՎ՝ ՀԱՅ ԾԵՐԱՆՈՅԸ ԱԿԱՆՊԱԿԱՆ ՀԱՅԿԵՐՈՅԹՈՎ ՀԱՄԱԽՄԲԵՅ ՀԱԼՒՊԱՀԱՅԵՐԸ

Հայ Ծերանոցը, Մեծն Ներսէս Հայրապետի պայծառ օրինակին հետեւելով, 99 տարիներ կը շարունակէ խնամք եւ հոգատարութիւն տա-

առաքինագրող քոյրեր, հալէպահայ ազգային, եկեղեցական, բարեպիտակական, մշակութային, մարզական եւ հայրենակցական միութիւններու եւ հաստատութիւններու ներկայացուցիչներ:

Բացման խօսք արտասանեց Արժ. Տ. Կոմիտաս Ա. Քհնյ. Տատաղլեան, յայտնելով, որ այսօրուան հացկերոյթով կը յիշատակենք հայ ժողովուրդին կողմէ «Սրտերու Լուսաւորիչ»



ծել մեր ժողովուրդի տարեցներուն նկատմամբ:

Մեծն Ներսէս Հայրապետի տօնին առիթով, հովանաւորութեամբ

կոչումը ստացած Մեծն Ներսէս Հայրապետին պայծառ յիշատակը, որուն օրինակին հետեւելով 99 տարիներ է վեր կը գործէ Հայ Ծերա-



Հայ երեք Համայնքապետներուն՝ Բերիոյ Հայոց Թեմի Բարեշահ



նոցը: «Նորին յարգանք եւ պատիւ մեր ժողովուրդին, որ 99 տարիներ



Առաջնորդ Գերշ. Տ. Մասիս Սրբ. Եպս. Զօպուեանին, Բերիոյ Թեմի Կաթողիկէ Հայոց Առաջնորդ Արիի. Տ. Պետրոս Աբղ. Միրիաթեանին եւ



ի վեր կրցաւ պահել այս նախախնամական տունը, հետեւելով հիմնադիրներուն գծած ուղիին», անլցուց ան:



Սուրիոյ Հայ Աւետարանական Համայնքապետ Վերապատուելի Դոկտ. Յարութիւն Սելիմեանին, կազմակերպութեամբ՝ Հայ Ծերանոցի մեծ ընտանիքին, Կիրակի, 12 Յունիս 2022-ին, կէսօրուան ժամը 1:00-ին, ԱՄԺ Տան «Անի» ճաշարահէն ներս տեղի ունեցաւ Հայ Ծերանոցի ակադեմիական հացկերոյթը, որ սիրոյ սեղանի շուրջ համախմբեց հայ երեք համայնքապետները, ՀՀ Մարդասիրական Առաքելութեան խումբի ներկայացուցիչներ, գերապատիւ, հոգեշնորհ, արժանապատիւ, պատուելի հոգեւոր հայրեր,

Քահանայ հայրը, Հայ Ծերանոցի մեծ ընտանիքին անունով խորին շնորհակալութիւն յայտնեց համայնքապետներուն, որոնք միասնական յանձնառութեամբ եւ սիրալիր գործակցութեամբ կը շարունակեն Հայ Ծերանոցի միջ-յարանուանական ուսանելի առաքելութիւնը եւ իրենց շինիչ ու օգտակար ցուցմունքներով եւ քաջալերանքով սատար կը հանդիսանան շարունակելու աստուածահաճոյ եւ մարդասիրական այս սուրբ գործը:

Մարիսա Պողիկեան
Շար. էջ 9